

泉平江城坊考

地 750.22
179.924-1
三

宋平江城坊攷卷三

海粟廬所著書之一

東南隅

大街見前

花巷 今竹榻橋巷俗訛祝駕橋巷 盧王二志均著錄 康熙府志樂橋

轉東 康熙長洲志樂橋南境東

麗景樓 吳郡志樂橋東南花月麗景登淳熙十二年郡守邱憲建雄威

甲於諸廬

竹榻橋 吳地記吳郡志均著錄 姑蘇志作榻云在乘魚橋側 隔榻

正俗字攷見版寮巷下 內觀日疏瑤卿月夜過橋偷然朗吟其聲清

亮亮字字動人居民但記其兩句云遙隔美人家數竿修竹處自此橋

橋名竹榻據此則當以作榻為是 吳郡圖經續記乘魚橋者故傳為

琴高乘鯉升仙地據劉向列仙傳云琴高趙人嘗涿水中取龍子與弟

子期期日皆齋潔待於祠旁果乘赤鯉來出坐祠中留一月復入水去

涿一作湯不云在吳也列仙傳有英子者亦乘赤鯉升天吳中門戶皆

作神魚遂立英祠未詳孰是 舊志琴高祠在舊子城西北乘鯉橋今

廢 紅蘭逸乘乘魚橋下昔有深水今不復爾矣丁法海嘗浴於此見

一大鯉甚馴喜跨之忽躍起化為龍飛入雲端明日法海貽書友人言

赴琴高之約於大言之山看日出五百年復當更來此 盧熊志茫疇

字復初金華人為洞霄宮道士得江西張九牛著易之參神效莫測如



得抗無籍子胡婆壽無罪而逃於臨平空楊樹中期滿釋獄胡將不利於茫茫知之隔門令其釋刀胡猶以刀畫其門而去由是范來蘇避居乘魚橋有疑來問無不神驗年八十三卒 馮志引元史參吳寬平吳錄周伯琦招諭張士誠留平江者十餘年士誠為造第宅於乘魚橋北厚其廩給日與諸文士以筆墨流連因亦忘歸士誠滅乃得歸鄱陽尋卒 吳郡金石目井闌題記淳祐庚戌三月正書在郡城張果老巷之祝家橋姓名漫滅首行有周百一官元買到云云按祝家橋即竹隔橋之訛文

張古老巷 盧王二志均著錄古一作果 康熙長洲志乘魚橋西南 舊志顧文敬公祠在張果老巷祀唐兵部尚書顧少連久廢 按道家言載

張果唐方士隱居中條山嘗自言生於堯時開元間遣使迎入京賜銀青光祿大夫號曰通玄先生玄宗為建棲霞觀世傳八仙之一或稱為張果老據此則張果行蹟不在吳中必在廟堂所在也

東鎮橋巷 今老義坊巷 盧王二志均著錄 吳郡志孝義坊東鎮橋巷 孝義坊 見上

鼓角營巷 盧熊志著錄 姑蘇志鼓角營巷在孝義坊內今是圖孝義坊南有迤邐曲巷作盤折式者一疑是 吳郡志營寨門廂軍下有中軍鼓

角指揮 盧熊志中營鼓角指揮元額二十五人 周司徒巷 盧王二志均著錄 姑蘇志金母橋北 康熙志俗名周孝子

巷 晉書周處陽羨人字子隱少孤不修細行州里患之與南山之虎長

橋之蛇世稱三害處乃射虎斬蛇入吳從二陸求學勵志為善仕吳為東
觀左水歸晉遷御史中丞齊萬年反立戰死諡孝有風土記此巷疑為周
司徒或周孝子廟巷 紅蘭逸乘周孝子廟在孝義坊廟中有蓬萊井疫
歲虔禱於神汲泉飲之可免有神赭面黑鬚為控馬者曰顧太按太係國
初人業顧繡生平故事周孝子神效為執鞭凡學繡者尸祝焉曰繡祖而
祀以方糕蓋所嗜也

通關坊 吳郡志金母橋東 吳地記古坊著錄暨祥符圖經均云在吳
縣 馮志太僕少卿李應禎在通關坊金母橋西祝允明其婿也按闌
誤闌又劉曙宅在通關坊有千柱堂今為城守參將署

金母橋 吳地記著錄 姑蘇志天王堂西 漂粟子牘金母橋在城中

關坊其地古有關也昔吳王齊玄好道王母嘗與齊玄會於此命仙
女房奴歌毒南之曲彈索鉢之琴後人命橋為金母即西王母也

北新街巷 今大新街 盧王二志均著錄

南新街巷 今小新街 盧王二志均著錄

雙雙井巷 盧能志著錄 姑蘇志有古井二

鹽鹽倉巷 盧能志著錄 姑蘇志有夏侯橋西

茶場 吳地記茶鹽務在子城河西五步 宋史食貨志下五茶類宋權茶
之制擇要會之地為權貨務六官自為場置吏總之謂之山場者十三六
州采茶之民皆隸焉謂之園戶歲課作茶輸租餘則悉市之其售於官官
者先受錢而後入茶謂之本錢又民歲輸稅願折茶者謂之折稅茶總為

歲課八百六十五萬餘斤其出粵曾就本場在兩浙則杭蘇等十二州

鹽倉 見前 文獻通考征權改鹽鐵門高宗建炎初准浙亭戶官給本錢

諸州置倉令商人買鈔算請五十斤為一石六石為一袋輸鈔錢十八千

阜通坊 吳郡志夏侯橋西

花月樓 吳郡志官宇門街市樓下花月樓飲馬橋東北淳熙十二年郡官

邱憲建雄盛甲於諸樓 按吳郡志又載清風樓在樂樓南黃鶴樓在西

樓之西今是圖失載

夏侯橋 吳地記著錄 范廬二志均著錄 姑蘇志相傳唐夏侯司空建

或云橋旁有夏侯廟因名 宋潘夢圻記畧云羣治稍西橋曰夏侯以地

有夏侯廟得名締創於皇祐壬辰重修於紹興辛未寶慶初元邦人相率

出力改作使守嘉其志悉捐金以助遠近翕爾而應以仲秋癸丑撤其故

而新之明年七月工以訖告寶慶二年七月朝散郎郡人潘夢圻記 業

今橋下石刻有皇宋寶慶改元拾壹月望闕淹高禦祖男子漢將仕郎闕

佳闕云云合之姑蘇志所載潘記結語有若勸施位名金穀品目列之左

不復書正合惟拾壹月從俗作繁寫則仲秋當作仲冬

飲馬橋南街 見前

龐者巷 盧熊志著錄 姑蘇志飲馬橋南 俗稱彭其巷 宣統吳縣志

稿龐山湖在舊府治南二十里澹臺湖東太湖之水自吳江縣之鮎魚口

及長橋下東北出者皆匯於此道流為吳淞江據此則吳中龐姓尚矣

湖州府志流寓傳龐澄字北康號石舟官著作郎元末隱姓名遊江湖後

遷居湖之西嶺構臥雲堂因作卮雲歌據此則吳中早有龐氏矣矣 姓
氏尋源曰耆氏辯證云伊耆氏之後單為耆氏謝按侯爵自伊徙耆耆故
曰伊耆一作肌黎望出太原樂陵又按天竺有耆姓宋史藝文志耆婆脈
經三卷六十四問一卷五臟論一卷

旌義坊巷 今馬脊梁巷 盧熊志未著錄 姑蘇志飲馬橋南

旌義坊 吳郡志旌義坊蔡匯頭 按蔡匯頭疑即今飲馬橋南之石家

匯石蔡吳俗音近也非天慶觀前之蔡匯河頭

孝友坊巷 今大太平巷 盧熊志著錄 王志飲馬橋南

孝友坊 吳郡志孝友坊南園東巷

滄浪亭 吳郡志滄浪亭在郡學之南積水彌數十畝傍有小山高下曲

折與水相縈帶石林詩話以為錢氏時廣陵王元璿池館或云其近戚
中吳軍節度使孫承佑所作既積土為山因以瀦水慶歷間蘇舜卿子
美得之傍水作亭曰滄浪歐陽文忠公詩云清風明月本無價可惜只
費四萬錢滄之名始著于美死屢易主後為章申公家所有廣故地為
地為大閣又為堂山上亭北跨山名洞山者章氏併得之既除其地地
發其下皆嵌空大石人以為廣陵王時所藏益以增累其隙兩山相對
遂為一特雄觀建矣難歸韓蘄王家 盧熊志續志云申公之子增增
築山亭買黃土錢三萬貫園亭之勝甲於東南張魏公勤王記子厚云
為相日營葺園地所費不貲罷相即遷青未嘗安享湘放還寓嚴州烏
龍山寺子弟輩悉遣歸鄉幹置生事死之日無人在側羣妾分爭金帛

停尸數日為鼠食其一指衛僧法空親之雲衛談雋云章氏園紹興初
初韓蘄王提兵過吳意甚欲之章殊不悟即以隨軍轉運檄之章窘迫
亟以為獻其家百口一日散居韓氏作橋兩山之上名曰飛虹張安國
書扁山上有連理木慶元間猶存今山堂曰寒光倚有臺曰冷風亭又
有翊運堂耿元鼎作記池側有濯纓亭梅亭曰瑤華境界竹亭曰翠玲
瓏木犀亭曰清香館其最勝則滄浪亭也 宣統吳縣志稿南禪寺在
滄浪亭後本圖無題榜唐開成三年二月一日白居易撰轉輪經石記
在焉見輿地紀勝 可園在滄浪亭對門一名近山林與正誼書院昆
連梁中丞章鉅重加修葺有挹清堂坐春艫濯纓處諸勝米宮贊珩寓
此有記 中吳紀聞滄浪亭予家舊與章莊敏俱有其半今盡為韓王

所得矣按據此則滄浪勝蹟曾半歸龔明之家為自來志乘所未詳

韓園 盧熊志韓蘄王府俗稱韓家園

魏朱園 盧熊志著錄 康熙志作魏支巷云俗名東太平巷 按朱為吳

中古四氏族之一魏則了翁嘗教授吳中有鶴山書院未識即其宅否支
已見前

燕家巷 盧王二志未著錄 康熙志作燕家濱 同治志燕家濱舊稱巷

燕國夫人廟 盧熊志在府治東南燕家橋吳孫權乳母陳夫人舍宅為
通玄寺同光中移今所即今開元寺亦有其祠淳祐中提刑胡穎拓四
酒務隙地為射圃鑿河引橋下水北入園內於古墓得石函上刻燕國
夫人首級六篆字遽命碑之舊傳酒務本夫人宅今奉祀者柳氏云

燕家橋 吳郡志以下均著錄 康熙志旁有燕國夫人廟故名 吳門表隱東京啟聖禪院佛象歷年記在婁門內關帝廟乾隆初里人韓承詩元旦謁聖觀王得之上錫佛象下刻經文末署蘇州長洲縣上元鄉煙家橋居住嗣男寶臨施財刊石追薦妣諸氏七娘遠年生界元豐四年五月望日立石勸行者趙道堅吳郡張珙刻正書二十七行按燕作煙表隱著錄與寶鐵齋跋尾同知韓子文未刻橋名時民間沿誤者蓋多焉 舊志鄉鎮門載長洲彭華鄉功成里四都上圖有南煙律以它都圖凡姓上下常別之以東南西北大小上中下諸稱例如燕上下柳南堯東于囊下朱後安前上長西邕東扁丘南什涇北什涇下奴涇渠下馮上才下東昌梧中昌梧西昌梧南徐西南徐上茅圻下茅圻南曹

北曹東莊西莊西安北燕金南下陳北柳西馬後王新盛上蔣上黃下黃以諸例證之此煙字碼為姓氏宋元以前或燕煙繁簡並用歟

淨河橋 吳郡志著錄 姑蘇志以下均不載

船場橋 盧熊志張林濱 吳郡志著錄 按吳郡志及本圖均著錄船

場橋盧熊志船場橋張林濱攷本圖在烏鵲橋西盧熊志又著錄東西

船場巷乾隆吳縣志云巷在織里橋南轉東轉西據此則宋吳中船場

有二處一近船坊一不近船坊也又吳郡志著錄船坊橋姑蘇志云在

帶城橋西盧熊志著錄船坊巷姑蘇志云帶城橋西南又盧熊志吳地記

記云石龍壇里即上元鄉其壇并潭猶存今龍堂水南之地皆為蔬圃

名定花版昔人於早歲在金氏船坊水底見之其石方不踰丈中作錢

文四角有雲氣但以涂泥不得詳辨耳據此則當時船坊確全在帶城氣橋迤西一帶

洞橋 范盧王三志均著錄 康熙志以下不載

祝橋 范盧王三志均著錄 康熙志以下不載 按吳中祝氏方志著

錄自元名宦祝岫始此土著祝氏遠在顯光明祖孫前未詳其朔

玉淵坊卷 未見著錄

玉淵坊 吳郡志玉淵坊南星橋

南星橋 吳郡志作星橋 盧熊志星橋俗云南星橋 康熙志大雲橋

東 姑蘇志阮狀元宅在南星橋舊有狀元坊 按大雲橋側磚刻有

宋嘉祐三年七月募建寶祐二年三月募修元大德三年己亥四月里

里人士重修字而本圖不載疑磚刻有沿誤處

居養院 盧熊志居養安濟院在社壇東建炎以來廢淳熙三年陳岷重

建有仁政倉籍官民田千六百六十畝得米七百石有奇提幹盧瑤記

以給歲用紹熙元年提舉張體仁又初安濟院城西南隅開禧三年陳

耆壽益以田一千一百二十畝郡人滕成作增田記按國史崇寧元年

知開封府吳居厚請置居養院處民之鰥寡鳧獨者以戶絕財產給其

費又河北轉運司亦以為請又推廣之先是蘇文忠公知杭州日置病

坊一所於城中名安樂堂以僧主之至是為言仍改安濟 宋史食貨

志賑卹門崇寧初蔡京當國置居養院安濟坊給常平米厚至數倍差

官卒充使令置伙頭具飲膳給以納衣絮被州縣奉行過當或具帷帳

雇乳母女使糜膏無藝不免率斂貧者樂而富者擾矣 又安濟坊亦
募僧主之三年醫愈千人賜紫衣祠部牒各一道醫者人給予曆以書
所治療人歲修改其數為殿最諸城岩鎮市戶及千以上有知監者依
各縣增置居養院安濟坊漏澤園道路遇僵仆之人及無衣丐者許送
近便居養院給錢米救濟孤貧小兒可教者令入小學聽讀其衣襪於
常平頭子錢內給造仍免入齋之用遺棄小兒雇人乳養仍聽宮觀寺
院養為童行宣和二年詔居養安濟漏澤可參攷元豐舊法裁立中制
應居養之日給稅米或粟米一升錢十文省十一月至正月加柴炭五
文省小兒減半安濟坊錢米依居養法醫藥如舊制漏澤園除葬埋依
見行條法外應資給若齋醮等事悉罷高宗南渡民之從者如歸市既
為之衣食以賑其飢寒又為之醫藥以救其疾病其有隕於戈甲斃於
道路者則給度牒瘞埋之若丐者育之於居養院其病也瘞之於安濟
坊其死也葬之於漏澤園歲以為常 武林舊事病者則有施藥局童
幼不能自育者則有慈幼局貧而無依者則有養濟院死而無殮者則有
有漏澤園民生何其幸歟

威果四十一營 吳郡志營寨門禁軍下威果四十一指揮 盧熊志威
果第四十一指揮元額四百一十人在社壇東

翁家巷 盧熊志未著錄 姑蘇志府學東 吳中方志著錄翁氏自明始
此翁氏未詳 吳郡志著錄翁家橋 宣統吳縣志稿選舉表唐懿宗咸
通元年庚辰科進士有翁亮樞

東楊家巷 盧熊志作楊家院子巷 姑蘇志在府學東 楊氏詳前

烏鵲橋巷 未見著錄

烏鵲橋 祥符圖經著錄 圖經續記烏鵲橋在郡前舊傳有古館八曰

全吳通波龍門臨頓昇羽烏鵲江風夷亭此橋因館得名白樂天詩嘗
及之 吳郡志在提刑司之南舊傳古有烏鵲館橋因其館得名 楊

備烏鵲橋上元詩月滿星移水照天南飛烏鵲影翩翩雖然上屬牽牛
分不為秋河織女填 盧熊志古有烏鵲館因名白樂天詩烏鵲橋紅

帶夕陽又烏鵲橋高秋夜涼烏鵲橋頭冰未消 姑蘇志長洲縣東

又羊玄保太山南城人以太常徙吳郡太守加秩申二千石三吳舊有
鄉射禮玄保舉行之文帝以其廉素寡欲頻授名郡為政雖無殊績而

去後常必見思不營財利產業儉薄大明中加散騎常侍特進卒諡曰

定子 又靜樂堂在烏鵲橋南知郡孔元忠所居樓中儲書萬卷葉適

有詩 又林樞密宅在烏鵲橋西樞密名希盧熊志林樞密宅今儒學

燼餘錄方家閣在烏鵲橋方謙庵先生故宅先生諱通父深究天人之
學著有諸經粹說二十卷讀史平論三十卷非子十卷鄉里典型十卷

經世大本錄四卷謙庵文集八卷家有藏書閣五楹環閣水池環池竹

木日著書其中寒士無書可讀者任聽入閣借書質疑問難不少厭倦
有側讀斜揭者教以端坐正書輕揭平覆謂即居敬之一端于二人督

課甚嚴不使應試年八十二卒卒之日寒士環而哭者充其廬私諡惠

達先生 吳郡金石目鳳凰鄉人修井題記景定四年四月初八日在

烏鵲巷正書

十泉街 未見著錄

儒學坊 吳郡志烏鵲橋南林文節公與諸弟所居希父際先在國史儒學傳希從居吳與弟旦嘉祐二年同第進士次舉弟邵顏文同登科吳人榮之故以名坊 雲麓漫鈔林高閏人擢第終屯田郎中子概亦擢第為集賢校理入儒傳終於京師妻黃氏攜其孤扶護將歸葬閏道出姑蘇時蔣公侍郎堂知姑蘇二子長子希次子旦方年十二三贅文工謁蔣大奇之留姑蘇給以戴城橋官屋後歸儒學坊為葬二櫬於寶華山蔣公道其子與二林讀希字子言後為樞密旦亦為從官將之子即之奇字穎叔亦為樞密子言昆弟六人希紹顏並登科遂為姑蘇人

五龍堂巷

盧熊志著錄

姑蘇志帶城橋西南

舊志陸宣公祠在五龍

堂巷祀唐宰相陸贄

龍堂橋

吳郡志盧熊志著錄

姑蘇志作五龍堂橋

康熙志以下不

載

靈濟廟

盧熊志五龍堂在今長洲縣東南唐貞元中李紳為記宋淳熙

十年秋七月大旱知府耿秉即設廳齋被祈雨未至沾足越三日雲氣四合有小龍狀如蜥蜴見於五龍神神位香案蓮果飭_東五宛延不去以杯_東玆占之約以三日內滂沛優渥當奏請五龍廟額以答靈異翌日大雨事聞詔賜靈濟廟紹興四年五月勅封第一東靈侯第二西城侯第三中應侯第四南平侯第五北寧侯每有水旱守將投龍於祠前潭中

必獲響應又吳地記云石龍在龍壇里即上元鄉其壇并潭猶存今龍堂水南之地皆為蔬圃名定花版昔人於旱歲在金氏船坊水底見之其石方不踰丈中作錢文四角有雲氣但以涂泥不得詳辨耳

趙家園巷 姑蘇志帶城橋西南趙氏詳前

破井巷 盧熊志著錄 姑蘇志帶城橋西南

船舫巷 盧熊志著錄舫一作坊 姑蘇志帶城橋西南

船舫橋 吳郡志盧志舫作坊以五龍堂下金氏船坊證之應是 姑蘇

志帶城橋西舫亦作坊 康熙志帶城橋西南側

蓮城巷 盧熊志著錄 姑蘇志帶城橋西南

覺報寺巷 盧熊志著錄

覺報寺 吳郡志在府東南舊名老壽庵王岐公家香火院也靖康狄難

此寺賊酋所寓故不得焚吳下故名屋惟此寺耳又云建炎狄難盈城

宮室悉為煨燼惟郡南覺報小寺以旁酋營幕所寓不及燬 盧志覺

報寺在今縣治東南王岐公香火院也 宣統吳縣志稿壽皇橋在城

南宋名萬壽庵即古覺報寺屢經廢興崇禎九年重建康熙七年始竣

工 吳中舊事秦檜妻弟王暎字顯道紹興初知府事竣於聚斂酷於

用刑覺報寺其私家祠也 吳門表隱石托塔李天王象在南園報本

庵古覺報寺也

覺報寺西橋 吳郡志盧熊志著錄

覺報寺後橋 吳郡志盧熊志著錄 姑蘇志僅著錄覺報寺橋一此橋

即今木杏橋

重昇院 姑蘇志在城東南隅即南園地宋慶元間僧正信建 乾隆元
和縣志尚書沈德潛宅在閣家頭巷有教忠堂內懸御賜扁額又有九
齋閣在新門外竹塾莊賜序賜詩并佛龕供御賜金佛

帶城橋巷 未見著錄

帶城橋 祥符圖經吳地記吳郡志盧熊志均著錄。姑蘇志嘉泰元年重

建 吳郡志帶城橋今誤為戴城橋 盧熊志橋迤邐近本府南城故

名今訛為戴城 姑蘇志萬卷堂侍郎史正志所居在帶城橋南舊有
石記為僧磨毀施氏叢鈔云正志揚州人造帶城橋宅及花園費一百
五十萬緡僅一傳圖先廢宅售與常州丁卿昆季僅得一萬五千緡紹

定未丁析為四其後提舉趙汝種占為百萬倉糴場 石志宋方便君

宅在帶城橋使君名萬里字子萬 乾隆吳縣志都陽鄭希尹宅在帶

城橋 中吳紀聞鄭景平字希尹居帶城橋為人剛正不詭隨蒞官有

廉聲 南禪大藏跋文蒐錄中大般若波羅密多經第二百三十七奧

有平江路長洲縣東吳上鄉帶城橋北居奉佛弟子蔡嗣字一條詳鄉

都門東吳上鄉帶城橋北居奉佛弟子蔡嗣住一條詳西跨街樓攷證

增載中蘇臺鄉念捌都居信士傀口智寬亦詳鄉都門傀氏據姓纂攷

證出於路史所言遜傀氏亦希姓之一也而希姓錄未入錄於以知升

庵乃貌艱深文淺陋者耳又按念捌都在今章練塘附近

紅鴨橋 范廬二志均著錄 康熙志作楊矮子橋在木杏橋東 乾隆

元和志訛紅杏子橋 格古要論曰鴨雄者綠頭文翅雌者黃斑色無
言紅鴨者按王建詩有馬上喚遮紅背鴨船頭看釣赤鱗魚之句此條
舊志作紅杏子橋而本圖則云紅鴨橋則當時口傳音變耳俗又書楊
接子橋而近世口傳稱楊厘子橋疑莫能明矣

採蓮涇橋 范盧王三志均著錄 今廢故康熙志以下不載 吳郡志
採蓮涇在城內東南隅運河之陽也今可通舟兩岸皆民居亦有空曠
為蔬圃此種蓮舊蹟也上有採蓮涇橋 宣統吳縣志稿補正云孝慈
堂在采蓮涇橋處士王聲宏聞遠藏書處有孝慈堂書目行世長沙葉
氏觀古堂書叢著所刻尚非足本有姚觀元咫進齋舊藏聞遠足稿
本今歲貴池劉聲木直介堂較葉刻倍從過之按葉鞠裳昌熾藏書紀

事詩記聞遠諸書跋有題於采蓮涇之孝慈堂灌稼邨孫元理元音跋
於四美軒朱印龜巢室校於率真書屋就風物觀之當在南園采蓮涇
橋附近 錢謙益列朝詩錄饒介字介之臨川人張氏入吳杜門不出
家采蓮涇上日以觴詠為事吳亡倖至京師伏誅道衍曰介個儻豪放
一時俊流皆與交書似懷素詩似太白然志大才疏無所成為可惜也
自號華蓋山樵亦曰醉翁

南白塔子巷 今新道橋南街 盧熊志著錄 姑蘇志善教橋對 康熙
志吳家巷即南白塔子巷新造橋南堍 宣統吳縣志稿尤侍講佃宅在
新造橋有鶴棲堂清乾隆御書賜額園曰亦園中有十景曰南園春曉曰
艸閣涼風曰葑溪秋月曰寒邨積雪曰綺陌黃曰水亭菡萏曰平時水黍

曰西山夕照曰層城煙火曰滄浪古道又有揖青亭水哉軒皆自為記
又谿樓在新造橋西明太學陳洹所築 又王典簿芭孫宅在新造橋街
中有寫韻軒鷗波舫 又引馮志刑科給事中吳之佳宅在善教橋東北
今稱吳衙場

蘇家巷 今相王廟街 盧王二志均著錄 乾隆元和志宋蘇舜欽居此
因名 同治志新造橋東南 按康熙志二郎巷新造橋東南疑與蘇家
巷別為一巷攷吳門表隱清嘉錄鑄鼎餘聞三書畧云清源妙道真君廟
俗稱灌口二郎神廟亦稱楊山太尉堂一在婁門內胡廂使橋南名古太
尉堂一在西教場橋一在社壇巷一在葑門內西營向在水中突起一阜
此所謂西營者疑即新造橋東南巷府則具足當稱二郎神廟巷與水僊

廟巷蔣侯廟巷體例正同宣統吳縣志稿采舊志云惟在葑門內西營者
宋紹興初建古名溪山第一祠 吳門表隱及鑄鼎餘聞畧云清源妙道
真名廟俗稱灌口二郎神廟一在葑門內西營向在水中突起一阜此節
參證在本攷東南隅南胡家橋條下則二郎廟之創建猶不在此二郎廟
巷也 皇甫汭長洲志神姓趙名昱灌州人也幼從異人學僊隋大業中
召為嘉州守曾握劍入江斬蛟尋隱去不知所終後嘉州江水泛溢為害
神顯蹟平之是幢羽葆出入江波間當時神其事累封神勇大將軍赤城
王宋真宗時進今封邑人患瘍者禱之輒應六月二十四日為神生日傾
城男女奔赴以祈靈貺又宋開禧二年加封護國聖烈昭惠靈顯神祐王
見郡邑志周虎廟記小知錄按今巷中有蘭若精舍女尼居之吳音二郎

讀如尼蘭因稱之曰尼蘭巷而二郎廟古蹟遂無人知之矣 常熟縣志
隋趙昱棄官去不知所終會嘉州水漲蜀人見昱霧中乘白馬越流而過
因立廟灌江呼曰二郎神宋開禧中石砣寇和州又顯靈助守將破敵
破敵詔封王朱子語錄蜀中灌口二郎廟當時是李冰今來現許多靈怪
乃是他第二子按二說未知孰是今俗傳二郎神姓楊名戩係附會封神
傳演義之說是否更無可攷 清嘉錄六月二十四日為二郎神生日患
瘍者拜禱於對門內之廟祀之必用白雄雞先夕土人於廟中置螢燈荷
花泥嬰者如市蔡雲吳敏百絕云巧製螢燈賽練囊摩睺羅市見昏黃兒
童消得炎天毒對水灣頭謝二郎 宣統吳縣志稿彭仁簡先生瓏宅在
對門內蘇家巷西有志矩齋先生年七十時所名以自勵者也

專橋

范盧二志著錄

康熙志春和橋舊名碑橋明隆慶元年知府蔡

國熙重建改今名

同治志在善教橋東

程橋

范盧王三志均著錄

康熙志近對門

同治志在春和橋東南

按此係城門驛道起處橋梁非程姓

接官亭

土地廟

相王廟後巷 未見著錄

康熙志相王巷新造橋東南按俗呼相王街則為相

王廟西街非此

相王廟

盧熊志赤闌相王廟在府治東赤門裏相傳為吳闔閭築城見誅

死遂為神洞庭西山亦有祠神姓桑名湛壁蓋不可攷每歲夏至重午居

民以角牴戲集祠下或謂赤闌以廟近赤門為名又吳地記云南面討擊將軍黑莫郝墓在蛇門裏周敬王六年築城誅死今呼赤闌將軍三書自相牴牾皆臆說也今呼東相明王又云赤闌即赤門相王即伍相姑備錄以傳疑

東長橋巷 未見著錄

東長橋 范盧王三志均著錄 康熙志俗名東燒香橋在封門南營近

二郎廟

西長橋巷 未見著錄

西長橋 范盧王三志均著錄 姑蘇志封門營內 乾隆元和志俗名

西燒香橋

燒香橋巷 未見著錄

燒香橋 范盧王三志均著錄 康熙志二郎廟東南

盛家帶 盧熊志望門橋盛家帶 士禮居藏書題跋記小讀書攤在城南顧

抱冲之達藏書處按之達家未詳其地而城南顧氏以盛家帶為最者姑附於此以俟博稽

圓通庵 姑蘇志通玄庵今名圓通在東南隅淳熙間僧清一建

望門橋 范盧王三志均著錄 康熙志春和橋北 同治志今名望璜橋

朱家橋 范盧王三志均著錄 在磚橋西北今廢姑蘇志以下不載 朱

張顧陸本為吳中巨姓朱氏自漢買臣而下三國吳有朱桓唐有藝術朱審五代有朱景環宋有朱長文朱天錫未易悉數也

蟾宮橋巷 未見著錄

蟾宮橋 已湮沒今蟾宮橋近代所建後人求古蟾宮橋址不可得被而名之者也 范盧王三志均未著錄

曹家橋巷 未見著錄 今醬園街

曹家橋 今鷺鷥橋一名盧師橋 范盧二志均著錄 乾隆元和志庵

橋一名盧師橋 吳門表隱邵公祠在盧橋已廢邵某名失篤學敦行行

敦行盧雍之因師名盧師其地即天賜莊一隅或云盧師庵址按吳中中

自曹弗興以藝術名遂世有曹氏特潛德不張耳盧師橋疑即指熊僑

寓郡城處古無稱某人之師為某師例也盧位教授當稱師耳 宣統

吳縣志稿葑涓州堂在封門鷺鷥橋李處士果所居果先居大石頭巷

後遷於此自有記

姜家巷 今天賜莊明韓衙前 盧熊志著錄按方志有名宦姜浩建炎狄

禍極救難民人其德之未審是否浩所居處 宣統吳縣志稿引馮志韓

襄毅公府葑涓州堂在封門內姜家街溪流環繞宅東有園嘗與徐武功

有貞祝參政顯馮副憲定劉愈憲環聯句 劉敬叔異苑臨淮樂安張汎

年二十餘死經日未殯而蘇云被錄天曹主者是其外兄料理得免初到

時有少女子同被錄送立住門外女子見汎事散知有力助因涕泣脫金

金釧三隻及臂上雜寶託汎與主者求見濟救汎即為之請之并進釧物

良久出語汎已論釋秋英亦同遣去秋英即此女之姓名也於是俱行脚

痛疲頓殊不堪行會日暮止道側小窟狀如客舍而不見主人汎與共宿

媿接更相問女曰吾姓徐家吳縣烏門臨清為居門前倒棗樹即是也明日各去遂并活汎先為護軍府吏依假出都經吳乃對烏門依此尋得徐氏舍與主人叙闊問秋英何在主人曰君何知其名因說昔日相見之由秋英先說之所言因得之主人乃悟甚羞不及寢媿之事其鄰或知以語徐氏試令侍婢數人遞出示汎曰非也乃令秋英見之則如舊識遂以妻汎生子名曰天賜 清張霞房紫琳紅蘭軼乘曰今吳城門并無烏門之名或昔有今無耳不然或地方名邨墟名又云天賜莊在封門內今按吳人讀封如字故書或作鮪鮪門或作鮪門與烏門均魚虞疊韻故易致沿誤耳宣統吳縣志稿徐參議廷祿園在封門內天賜莊東公安袁宏道稱其畫壁攢青飛流界練水行在中人穿洞底巧逾生成幻若鬼工千蹊萬壑游

者幾迷出入 又引馮志顧御史宗孟宅在天賜莊清崇明施吏部何何牧僑居於此偷然絕俗

楊家橋 范盧二志均著錄

普照院前 未見著錄

普照院 按天賜莊一帶佛寺有青松庵一曰慈航有盧師有生生有雲華一曰東林有普院有普濟均見乾隆元和縣志不知何者以普照為其前身以名稱音韻言之普濟或庶幾近是然不能證實矣

章家橋 今湮沒 范盧二志著錄 馮志明雜造局舊置於蔣家橋洪

武六年移章家橋 中吳紀聞有南章北章見東北隅章家橋巷條

章家橋繁故郡城南北東西均有章家橋 吳郡金石目重建章家橋

題記在望門橋東南小橋柱上正書只存九重日章府一力重建數字
年月無攷章氏源流見中吳紀聞

普照院東卷 未見著錄

雙紅橋 范廬二志著錄 元和志清安橋俗名紅橋疑即此

折桂橋南卷 未見著錄

折桂橋 吳郡志紹興二十七年建 姑蘇志東城下 吳郡志桂李嶺

南木吳地不常有之唐時尚有植者白樂天謂蘇之東城古吳都城也
今為樵牧之場有桂一枝生乎城下惜其不得地賦詩言之近世乃以
木穉為巖桂詩人或指以為桂非是今按此地適當東城下而橋以折
桂為名豈白公所見之古木一枝宋時猶在原地乎 舊志朱逸民祠

在利三園至行坊樂園先生祠內初建無攷今按疑為祀逸民朱張而
立至行坊在折桂橋南 宣統吳縣志稿第宅園林門東莊吳文定寬
之父孟融所治也公貴後名人競為父詠李東陽為記公從子棗增建
看雲臨渚二亭公有詩後為徐參議廷祿所有集文節錄明李東陽東
莊記有又南西為折桂橋之句 又東莊南園皆吳越時廣陵王元璠
帥吳其子文奉所創經營三十年極園池之賞奇卉異木及其身見皆
成合抱又累土為山亦成巖谷晚年經度不已每燕集其間任客所適
文奉跨白驢披鶴氅緩步花徑或泛舟池中容與往來聞客笑語就之
而飲其好事如此見九國志吳越備史又續圖經廣陵王元璠別宅舊
與南園相近據九國志元璠治蘇創南園東園及諸別第奇卉異木名

亦千萬今其道蹟多在居人之家崇岡清池茂林珍木或有存者今按東莊九國志作東墅 須靜齋雲煙過眼錄東莊圖石田翁為吳文定作今其地為天賜莊惟折桂橋尚存餘俱埋沒為田廬民舍 今按東莊即宣統吳縣志稿元和縣境所列之吳文定公寬父孟融所治之園杜東原嘗為文定繪圖文定於每一景即自為之記就中折桂橋諸景可以知東莊之即為天賜莊東原所繪圖向藏顧鶴逸麟士家今已獻之公庫其詳則載過雲廬書畫記中

營橋卷 盧熊志著錄

營橋 今壽星橋 范盧王三志均著錄 康熙志百獅子橋望信橋北攷本圖此橋尚在其北故為今壽星橋無疑而百獅子橋則明以前

不見於志乘嘉靖十六年沛人彭年所撰重修百獅子橋銘序吳水國也故橋梁之利興馬府城之中殆不勝紀其雄駕通渠積絕康莊新名古額播諸志冊者三百有一至若六閘之外四封之內猶未盡列可見百獅子橋向不見於志營橋決非百獅子橋也 盧熊志引續吳郡志歲有橋在營橋東平糶倉前淳祐中知府魏峻建按在本圖後故未載又平糶倉在營橋東淳祐五年魏峻以北城廢營改初趙與崇書額提舉常平鄭霖記 又壯城指揮熙寧八年樞密院奏置元豐三年五月勅壯城兵士大城五十人小城三十人專充修城不許招揀實別軍分大觀元年御筆帥府置壯城兵士四百人列郡三百人依元豐法制政和三年因陳光弼奏帥府列郡沿邊量數增置崇寧五年五月置壯

城并隸工部 宣統吳縣志稿倉聖廟在百獅子橋仁濟堂內

望營橋 今廢 范盧王三志均著錄

佐家橋巷 未見著錄 按佐氏不見氏姓典籍古有左人氏或即其族詳見拙著吳中氏族志改補此希姓錄所未著錄者也

佐家橋 范盧二志均著錄 姑蘇志游僊橋南 康熙志壽星橋東側

報恩院 舊志尊勝庵在佐家橋洪舊名天寧庵元大德四年僧慧忠建其後因掘得尊勝幢改今額 姑蘇志天寧庵在城東南隅按疑天寧庵即

報恩院

石匠巷 盧王二志均著錄 姑蘇志雙塔寺東因有石作居此故名 同治

志游僊溼橋東北 水滸小志石作出金焦諸山黃山石供確磨之用盧熊

志嶼邨石可為硯佳者不減歛谿太湖備改龜山石佳者可為柱礎其不中繩墨者則用以燒灰禹期龜鼈三山同姑蘇志錦峯石出錦峯山色紫克雜器用永樂間造南京報恩寺塔取此石刻佛象以其天陰雨不潤可妝彩色又褐黃石可供硯材洞庭西山太湖石可作假山火石出龜鼈二山赭石出射鵝山石脂白礬出秦餘杭山即今之陽山也吳門表隱引醫林紀聞石麪出雅宜諸山

游僊溼橋 范盧王三志均作游仙橋 康熙志說僊境橋 同治志吳王

橋北

吳王橋 吳郡志未著錄 盧熊志引續志在雙塔寺東 姑蘇志後周廣

順二年建 按秦伯為第一世家瑯琊冠江左風流南朝王僧虔以書法

五代吳仁璧以星曆名吳王二族尚矣然未詳所居何人

折桂橋北巷未見著錄 今與折桂橋南巷統稱長街

顧庭橋 吳郡志作顧亭 姑蘇志端平二年建 康熙志東營門口 吳

門表隱顧亭橋在獅子口宋顧亭居此亭至孝其母磨豆為業有宿孽當
天譴林酒仙憐而救免後皈佛傾其資獨建此橋

東禪寺西橋 今名寺橋 范廬二志均著錄 姑蘇志泰明橋東禪寺西

東禪寺 吳地記明覺禪院在縣東南一里半唐大中五年置 吳郡圖

經續記明覺禪院在長洲縣東南俗所謂東禪者晉開運中有僧過賢
姓林氏嘗以酒肉自縱酒家或過其飲則售酒數倍於他日世號為酒
僂而能告人禍福必驗與符治疾者必痊建隆二年來居是院創佛屋

修路衢無慮用錢數百萬雖稱巧於人而人不知其所從得者蓋其容
似靈叢智積聖者而每與人符以神僧為識或謂為後身其塑象今存
院中 姑蘇志東禪寺在萬壽寺東南吳赤烏間陳丞相宅因地中生
瑞蓮遂捨為寺名鎮國院唐大中間勅改東禪明覺寺宋異僧遇賢號
林酒僂者嘗居之元至正間燬洪武間重建 平江記事吳城東禪寺
古佛象容貌端嚴頂珠圓徑數寸宋乾口甲午歲忽有毫光紅黃青紫
頂中出現士庶觀瞻檀施山積後三日有老翁疑其怪因請梯升即佛
光燄而窺之乃見佛象之首開一穴以手捫之有二白鼠長可尺餘自
穴中躍出綠光燄燄入落井內遂得碎幡數片以紅幡映頂珠即紅光
青光紫亦然人皆歎息而去或曰佛金僂也而白鼠之禍作光於其頂

得非金氣感乎是後金薛遂興兀朮之來大被其虐 紅蘭伏乘東禪
寺宋林酒仙過賢道象在馬八月十六日誕在朱明寺祝髮禪門戒葷
葷酒而仙嗜熟蝦師者之請以熟蝦放池中又食熟螺亦去其螺尾放
諸池中今寺前豁中尚有紅蝦及無尾螺又食鴿庖人取其一翅仙若
不知者既食張口大笑鴿飛出少一翅又以龍糠搓繩有黑虎從天來
以繩縛跨以上天今象一天鴿在梁間虎伏於旁土人奉以祈雨頗應
其詩似寒山三聖集有墨蹟載鐵網珊瑚 按姑蘇志載賢奇蹟異事
事極夥宣統吳縣志稿悉載之今以文繁不備載參稽改制二十年後
所刻吳縣志即可得其大概並有所作詩時有警句蓋言可以點化頑
愚啟迪禪味也

南胡家橋

范志著錄

盧熊志南胡家橋在放生池

姑蘇志延壽放生

生池頭疑即此

吳門表隱新門內放生池地名浮熟一阜突起池中宋

熙寧時曹僚建醒心亭於其上倚有雙松甚靈建炎兵欲伐之忽隕石如

雨乃止

盧熊志醒心亭熙寧間曹僚履中所葺在封門內有土阜對峙

際雖巨浸弗沒因號浮熟後避諱改名浮邱相傳此地昔有雙松疎然參

天建炎之難有清兵欲伐之隕石如雨今放生池即其地也 按放生池

即結艸庵址今浮邱猶存有船象方塔二雕刻極精麗而古樸舊志均未

著錄 宋胡瑗為蘇州教授因家焉又有胡元質胡舜申或以學者或以

藝著

官太尉橋巷 未見著錄

今唐家巷

康熙志唐家巷其東為孝衙前今孟

子祠堂前 同治志明千戶唐岳所居因名唐家巷 按唐家巷附近有冷水灣一名冷香窟 乾隆元和縣志紅豆書莊惠吉士周惕宅在城東南冷香溪之北先是東禪寺有紅豆樹相傳白鶴禪師所種老而朽復萌新枝周惕移一枝植階前生意郁然因自號紅豆主人僧睿目存為繪紅豆新居圖周惕自題五絕句又賦紅豆詞十首屬和者二百餘家四方名士過矣吳門必停舟車訪馬傳子及孫六十年來鐵幹霜皮有參天之勢庚申兵燹樹被伐遺址僅存 宣統吳縣志稿冷香別館在楓江惠磐卿所居磐卿高祖士奇家對門冷香溪後遷許墅磐卿卜宅楓江與戈載為鄰名其室以志先澤見翠微花館集

官太尉橋 范盧王三志均著錄 本圖失繪 按左傳官有此功邑亦

如之據此古人以官名族故有官氏吳中官氏未詳其朔 宣統吳縣

志稿雙塔影園在官太尉橋西諸生袁學灝所居自為記

夾城巷 姑蘇志東禪寺前 按盧熊志隸夾城巷於吳縣列果子巷水糶

巷之間而姑蘇志明言夾城巷東禪寺前豈東西城各有一巷故謂之夾

城歟 康熙志過亭橋南

盡市橋巷 王志著錄 圖經續記干將坊東為東市門又東則盡市橋西市

坊即西市門又西則市曹橋據此則吳舊市在東西街今在街之南北未詳何時所徙或云建炎兵火後也

吳承議橋 范志著錄 盧熊志官太尉橋東 宋史職官志紹興復修試

換之令以前元豐寄祿格承議郎為左右正言太常國子博士 盧熊志

葉少蘊舊宅在鳳池鄉前有魚城橋政和中寓布德坊宣統吳縣志稿按語云少蘊故宅在今唐家巷門前有小橋即元陸反研北雜誌所引石林總集之魚城橋而平江圖作吳承議者也門前尚存石礎三

盡市橋 范志著錄 盧能志萬壽寺東 康熙志死橋南側 今名興市橋

白蜺橋巷

姑蘇志著錄

盧能志作白蜺巷

康熙志作白蜺子巷

宣統

吳縣志稿形小於蛤壳畧薄亦成輪壘痕有黃白二種蘇鄉有白蜺江因產白蜺得名惟肉味不甚美按蘇鄉又有蜺子山蓋積累年蜺殼而成亦齊境貝丘之類也

白蜺橋

范盧王三志均著錄

康熙志盡市橋西

王判司巷

即壽寧寺巷今名定慧寺巷其東今名雙塔寺前

盧王二志

均著錄

吳門表隱不雍熙中判司王文罕建雙塔並捨田五百八十畝

今祀文罕為伽藍神兄弟三人並有象其墓在寺內東隅塚甚高人不取近其地本名王判司巷 按藏書紀事詩註琳瑯祕室在定慧寺巷仁和

胡心耘寓居藏書處

萬歲院

吳地記壽寧萬歲院在縣東一里半唐咸通二年改為般若院

圖經續記壽寧萬歲禪院在長洲縣東南唐咸通中州民盛楚等建

為般若寺至道九年勅賜御書四十八卷二年改今額吳地志郡中有

般若臺內有金銅象高一丈六尺高士戴顯所製訪之未得其遺蹟此

寺舊名般若殆是歟

吳郡志壽寧萬歲院在長洲縣東南舊羅漢院

此寺有二塔對峙俗名雙塔寺 盧熊寺壽寧寺在今縣治東北即壽寧萬歲院也舊名為羅漢院寺有二碑塔對峙人因稱之為雙塔寺

姑蘇志雙塔禪寺在城東南隅唐咸通中州民盛楚建初名般若院吳越錢氏改羅漢院宋雍熙中王文罕建兩碑塔對峙遂名雙塔至道初賜御書四十八卷改壽寧萬歲禪院紹熙中為提舉常平祝聖道場提舉徐誼嘗結以常平田雍熙中重建釋妙思記永樂八年僧本清重建

馮志金石門壽寧萬歲禪院給常平田記龍頤正撰紹熙三年在雙塔寺 吳郡金石目吳郡壽寧萬歲禪院記紹熙改元仲春日日當山住持傳法蒙衲妙思記叔寺緣由甚詳備郡人鄉貢進士經炳文隸書書 又雙塔寺公據碑給於慶元元年六月寶慶元年六月住山師哲

跋而刻於紹熙壽寧萬歲禪院記之陰皆正書在寺東壁 又袁簡肅僧普華詩碑紹定五年二月肅簡書行書普華跋正書在雙塔寺錢氏跋尾載之 寶鐵齋金石文字跋尾雙塔寺石柱題字在大殿東西兩柱雕鏤精工編刻人物花草為人摩挲其光可鑒東柱下蓮花瓣內正書題名云宋寧男居厚卿陳文炳捨錢壹百貫置柱保安家眷莊嚴福慧二十四字四行行六字西柱下鐫捨錢壹百貫又足一行正書無年月姓名與東柱題名出一人之手楷法端勁有顏柳風骨相傳為宋雍熙中王文罕建塔時所立似屬可信 劉敦楨蘇州古蹟調查記雙塔寺概況西塔東北面井口枋里牽題字大宋國平江府長洲縣口口碑蔣口口口口弟子衛口壽口口八娘男口口與家眷等口心施錢口

口塔第二層井口功德保扶家眷莊嚴福智成就菩提紹興己卯題宋
都紳陳明 又西南面井口枋墨筆題字雙塔乃太平興國七年歲次
壬午建口王氏口一方所口至所今紹興乙卯口口一百五十三載緣
金口口城寺字口口惟北二口口口比丘師口惠先等九人努力
募緣次第修正時紹興五年歲在己卯三月十三日同修口塔比丘口
口口口文上用記歲月矣刊字比丘 劉君按語兩記為此寺最重要
之文獻惜自紹興五年至今余輩調查時歷時八百寒暑殘餘墨蹟已為
粉狀浮於枋之表面一經觸手即歸烏有原文每行五字可辨識者猶
一百四十字移錄於此倘亦留心當地史蹟者所樂觀也 今按按之
通例第一通長洲縣下口口碑疑為口口鄉若其下確為蔣字則疑為

長洲縣上元鄉蔣家橋居奉佛弟子衛口壽字疑為妻字之誤釋口口
八娘疑為口氏八娘男口口云云心施錢疑為一心施錢口口塔第二
層井口功德上二字疑為修造字第二通口王氏口一方所口疑為惟
王氏功一方所仰己卯下疑為歷年二字緣金口口城寺字口口疑為
緣金人破城寺字殘毀惟北二口口口口疑為惟北塔二塔兀然尚
在比丘師口疑為師尊同修口塔比丘口口口疑為同修寶塔比丘
師尊列名文上云云然無徵不信不敢質言之也 劉君又於嘉靖三
十九年重修碑記得修塔者馬祖曉名又於西塔塔頂覆鉢銘記中得
清道光二年修塔題刻均向來方志所未記載吳人莫不感戴劉君之
之發見功德 又按長洲縣下口口碑或係東北隅三字闕誤則筆道

道更近吳地記圖載蔣家橋於東北隅也釋道功德疏清末猶記居住
所在城中四隅

定慧寺 圖經續記定慧禪院本萬歲之子院祥符中別改今額內藏御
書歲得度僧一人雅為叢林唱道之所 吳郡志定慧寺在萬歲院之
西本子院也祥符中賜今額 盧熊志定慧寺在壽寧寺西宋祥符中
中賜今額 姑蘇志定慧禪寺在雙塔寺西初名西方院本雙塔之子
院也天禧中賜今額始貳於雙塔宋僧卓契順常居此即訪東坡於惠
州者元季兵燬洪武中僧景新惠澤先後重建 乾隆元和縣志陳奕
禧字子文海寧人究心金石之學窮山僻徑殘碑斷碣偶有所見必剜
苔剔蘚而出以故藏度甚富寓蘇定慧寺前再起南安守卒於官 宣

宣統吳縣志稿定欽定慧院僧坡公作惠州嘗擬寒山十頌使其徒卓
契順往惠州慰問坡公得書甚嘉之為和八首初契順之往且曰惠州
不在天上行即到耳投書往還公問其所求答曰惟無所求故來惠州
若有求者當走都下矣若問不已乃曰昔蔡明遠鄱陽一校耳顏魯絕
糧憐其載米道以尺書至今天下知其明遠今契順雖非明遠然區區
萬里之勤倘可援魯公例乎公遂為書歸去來辭今勒碑於寺見坡公
集 又超信字海印桂府琅玕覺公之嗣住蘇州定慧寺倡道多年年
八十餘平日受朱防禦家供養屢至其宅一日朱問和尚後世能來弟
弟子家託生否信微笑頷之及歸寺而疾數日而化其日來朱家一女
子圓照本禪師時住瑞光聞其事往訪之方出月抱出見而笑圓照喚

云海印你錯了也女子哭數聲化去有百丈野狐頌老僧詩為叢林傳
誦見釋明河河續高僧傳 盧熊志載宋軍制諸寨條下云牧馬寨大
寨八小寨十七散在城內定慧寺西每歲八月差統兵官總轄收放九月
回中興擊年要錄云初殿前司奏乞令平江府買民田為寨地既許
之給事中頌允宗言此田皆極上腴民間豈肯輒售乞以係官荒閒田
與之詔所占如非稻田令府司優償其值諸軍舊有廩屋數十區茨以
茅竹歲一更葺而財才皆出於民紹興十八年殿帥楊存中乞於平江
添蓋牧馬屋詔所費並令官給二十八年詔平江以係有錢改造瓦屋
二千五百間知府蔣璣請出內帑佐費詔以御前激賞庫錢七千緡賜
殿前司既又益二萬五千緡付駐軍自蓋

葉家巷

盧王二志均著錄

姑蘇志望信橋西

宋葉夢得所居見吳承議

橋條下

胭脂橋

吳郡志胭脂作臙

范盧王三志均著錄

康熙志仙境橋西側

宣統吳縣志稿柯九思宅在城東胭脂橋

石志金石門胭脂橋題記云

云嘉定十五年二月重建

吳郡金石目在馬津橋東南側題橋柱按胭脂

橋橋闌題字亦極挺秀當嘉定原題 唐類函習鑿齒與燕王書曰此

下有紅藍足先知之不北方人采紅藍取其花染緋作胭脂婦人用為下

顏色可愛西河舊事曰匈奴歌云失我祁連山使我六不蕃息失我焉支

支山使我婦女無顏色班固曰匈奴名妻作閼支言可愛如燕支也世人

或書作臙脂

妙湛寺 吳郡志妙湛尼寺在提舉常平司之東寺舊有塔兵燹後王歧公

之孫女慈明大師者募眾重建 盧熊志妙湛尼寺在今縣治東南路

姑蘇志妙湛寺在長洲縣東五代錢元璿施園池建名優婆夷寺宋開寶
間建七塔建炎兵燹紹興初王歧公孫女為尼於此號慈明大師者重建
今呼為七塔寺元王都中張夫人普明亦居此 按盧熊志府城圖作七

塔寺 案王歧公名珪字禹玉華陽人舉進士甲科朝廷大典多出其手

哲宗時累官尚書左僕射兼門下侍郎封岐國公神宗欲召司馬光珪薦
俞允帥慶使上平西夏策永樂之敗死者十餘萬人實珪啟之卒諡文有
華陽集事見宋史 吳風錄自江右張鼇山提學來吳廢七塔未明二尼
寺以業宦室胡太守又廢景德寺寺子游等祠為公館且往往餽贈勢顯由

由是自城至於四郊及西山一帶率為權豪所奪為書院園圃墳墓而吳
之叢林無完者矣至於黃縣令輩則又盡黜古剎以贈權門貪夫否則厚
估其值令釋道納之大擾郡中至今未已 吳門表隱城中七塔第七在
望汎橋西宋開寶間建建炎兵燹故地名七塔寺前巷地即許氏石虹園
後為金幢庵今案盧熊洪武志府城圖確駢立七塔顧氏第七之說實因
臆斷而誤 宣統吳縣志稿引舊志錢尚書邦宏宅在望信橋西七塔寺
前巷今稱錢衙前

光孝觀 戒庵老人續吳郡志光孝觀在南倉橋之東宋嘉定間建 盧熊
志靈順行祠嘉定二年有自婺源刻象來者埵祀於光孝觀大集香火以
迎之專祠由之嗣興今在盤門裏朱家園者名上善庵嘉熙四年重建正

殿後又建華光閣於米行者名如意庵咸淳十年始廢經閣改建神殿淳祐初四月四日八月遞迎兩廟神象過北寺迨暮以燈燭迎歸自此歲以為常而臺閣百戲集焉遂以鎧市相誇至用琉璃鎖鍊神象車鑿在昔未有燈片組繪妙絕一時 姑蘇志靈官廟舊名靈順行祠 按盧熊府志及皇甫汭長洲縣志皆云張善淵字深父號癸復道人吳之華山人伯父崇一得易真人如剛霜寶飛步法稱張雷所定尚書包恢薦於朝命主郡之天慶觀善淵從之學輒能捕逐鬼物呼雷雨郡守潛說友舉住建江永隆宮再住平江光孝觀世所謂道法藥術凡四方有一術一法之異必究極其妙 宣統吳縣志稿引舊志靈官廟初名上善庵在胥門內朱家園宋建炎間建嘉定二年賜額萬壽靈應行祠明嘉靖初慶 又五顯王祠

在府治東和豐坊內今名西善巷祀婺源土神五顯靈官初名如意庵宋嘉泰間僧晉智建寶慶間創華嚴閣咸淳間又改為殿明洪武闢建府治廟又改作正統四年知府況鍾修萬曆間知府俞嘉言並修康熙二十五年廢

望信橋 范盧王三志均著錄 康熙志葉家巷東 吳郡金石目顧銜復

泉井題記紹定三年十二月正書在新門內望信橋邊 望新橋石刻云

望信橋迺姑蘇東南隅之要津於紹定己丑孟冬上澣吉日鼎新畢工孟樞院方縣丞則勸緣其人也以舉高鄉里樂然助之口眾金宣義李御幹諸公弗吝捨錢由是口而成姑識歲月以效昔人題柱云題名後云右願願口口口口口口口壽次願橋之東西南北住人子孫昌盛口口口

羗有如兀二族見范文正公集又魏書官氏志作元覽誤姓氏尋源據北史
史元鑒以改之判司不知何名可補方志之闕

清道橋 今東小橋 范盧王志均著錄 康熙志在南倉橋東 舊志
志工部侍郎孔鏞宅在清道橋南

積慶院 盧熊志積慶寺在今縣治之東北 姑蘇志積慶禪寺在善教

橋北宋開寶八年郡人盛氏捨宅建僧法聖開山紹興間賜額元季兵
燬洪武初僧普照永樂中僧永宗戒坦相繼重建

迎葑橋巷 未見著錄

迎葑橋 范盧王三志均著錄 康熙志望信橋西側

董家橋 范盧二志著錄在東小橋南 姑蘇志以後不載

孔夫子巷 盧王二志著錄 吳門表隱墨池在孔夫子巷即孔子祠地名

孔聖里南有顏回坊子路巷孟子祠見西樵野記明侍郎孔鏞太守皇甫
錄嘉定伯周奎先後居之 今按顏回坊疑即盧熊志所著錄之東南顏
家巷俗訛單家巷者原註在南倉橋東南姑蘇志名顏回巷與東北隅天
慶觀東南之顏家巷位置排列均異孟子祠疑即舊志著錄之唐家巷孟
子祠堂而子路則不能詳矣 宣統吳縣志稿織造府在元和縣葑門門
內帶城橋東明時以內監兼理蘇杭織造於天心橋局中為館會往來無
常清順治三年命內工部侍郎陳有明總理其事即明嘉定伯周奎故宅
改建即今所也自為記康熙十三年始專為蘇州織造衙門左為行宮為
南巡駐蹕之其總局改設於孔副使巷咸豐十年燬於兵同治十年德壽

重建自為記南局在總局後孔副使卷副使舊作夫子順治十年織造侍郎周天成建又於洞橋內設南新局咸豐十年燬按洞橋在十郎巷坊

孔聖坊 吳郡志南倉橋南廬熊志按續記云舊有夫子廟在北景祐中方割南園立學俗稱孔子巷嘉泰初遂以名坊 雲麓漫鈔今平江府亦有孔夫子巷蓋崇觀間興三舍於此建長洲縣學後罷舍法學亦廢今其址如故地則歸臨安裴氏目為孔夫子巷嘉泰改元郡立坊名不知攷此遂榜為孔聖坊 杭縣蘇氏寄願藏元刻大佛頂如來密因修修證了義諸菩薩萬行首楞嚴卷第六天竺沙門般刺密帝譯烏菴國沙門彌伽釋迦譯語菩薩戒弟子前正議大夫同中書門下平章事房

筆授獅子林沙門惟則會解本卷後題平江在城孔聖坊居信士沈右謹發心施財刊此第六卷願承大士之慈恩願達大經之了義求子得子願生初德智慧之男熏聞成願中真實圓通之選 按此本每卷一人捐款即有一吳中住址全書如此當有十人住址可以互證是攷諸坊卷橋梁而餘卷已佚覆刻未見至為可惜 日本續藏經目載楞嚴經會解十卷元惟則會解又楞嚴經圓通疏元惟則會解明傳燈疏會解即載圓通疏中不別出 日本弘教書院鉛印本大藏經惟則楞嚴會解有二十卷元刻如亦照此分卷則有二十卷吳中坊卷橋梁矣

著錄詳前

孔聖坊卷 今鳳凰街 未見著錄

繡衣坊巷 今西街 未見著錄

南倉橋 范盧王三志均著錄 康熙志永定橋東 馮志嚴文靖公宅在
南倉橋西公孫貞生桓構困學齋讀書其中文文肅公震孟書額 吳郡
圖經續記南倉子城西北倉在閤門側每歲輸稅於南和糴於北 夢窗
乙稿木蘭花慢於虎丘陪倉幕時魏益齋已被親擢陳芬窟李方庵皆將
秩滿又靈巖陪庾幕諸公游八聲甘州亦為倉司幕僚作也按夢窗作瘦
幕時提舉常平司署在南倉橋西北繡衣坊口夢窗點絳脣有懷蘇州明
月茫茫夜來應照南橋正指此況愛筌先生周頤因集中乙稿鷓鴣天游
游化度寺作有楊柳閤門句遂以為南橋指皋橋而言不知按吳中方隅
言指皋橋為南橋極不合事理皋橋在西北隅也惟指南倉橋為南橋則

極吳中方隅地域以在倉吉倉故畧去其字耳

繡衣坊 吳郡志南倉橋北 詳符圖經吳地記古坊著錄

甫橋 范盧王三志均著錄康熙志濂溪坊西 同治府志桐園在府橋西

王世材築祝允明有記 宣統吳縣志稿辟疆小築在南橋西街顧明經
沈築以藏金石書畫圖籍有傳研堂吉金樂石之齋金粟齋吟香閣白雲
深處心妙軒據梧樓所藏金石圖籍之屬遭庚申之變均散失園遂荒廢

甫氏風俗通云甫出自炎帝裔孫伯夷為堯太岳封其後為甫侯子孫
以國為氏姓氏尋源張介侯案云姓纂為出宋戴公之子皐父至秦改為
望皇甫遂以甫為氏非也潛夫論云甫申呂許皆姜姓封國詩王風申甫
許三國並言是甫侯非即呂侯也

胡書記卷 盧王二志均著錄 姑蘇志有橋故名 按俗呼胡書記橋

宋史胡松年建炎間知平江府未入境貪吏解印斂蹟以興利除害十
七事揭於都市百姓便之加徽猷閣待制奏江防利害召為中書舍人未
知是否即其所居 氏族譜胡元質長洲人字長文幼穎悟尚行義中進
光宗時歷祕書省正字嘗言人生言動不可不謹帝書之座右終敷文閣
學士按居在畫錦坊此恐別一人

橋園 盧熊志楊和王府在和合坊 盧熊志金天王廟在府治東楊和
王賜第園中昔人於廟旁土中得斷碑有金天王三大字下又有沈傅
師兼御史大夫時祕書鄉貢進士十餘字字徑二寸許按唐初封華山
神為金天王傅師蘇人也

楊園橋 明正覺寺香花橋今皇宮橋 吳郡志盧熊志作楊府院子橋

姑蘇志作楊家院子橋 康熙志香花橋竹堂寺前明萬曆八年建

樂營堂巷 盧王二志均著錄 盧熊志宋紹興中和州賈青造樂籍堂於

此今訛為樂營堂巷按盧熊志是也附近別有鼓角營巷在孝義坊已據
吳郡志營寨門盧熊志軍制門攷得其來歷所謂樂營堂者疑指彼而言

此則樂籍堂耳可證古官妓制度疑賈青事在紹聖故曰紹定二年重立

盧熊志引作紹興疑為傳鈔之誤宣統吳縣志稿職官表兼范盧王三志

三志知州賈青下云春卿韓城人以朝散大夫任元符初改知河中則紹

聖確矣宣統吳縣志稿壇廟祠宇門五龍堂條下一在晉甯坊名樂營堂

文字拙甚恐原理亦甚了了也特兼正其誤於此

槐樹巷 盧王二志均著錄 姑蘇志正覺寺前 同治志皇甫信宅在南倉

橋之西七十步皇甫氏宋南渡時自朝那徙居以漢太尉食邑槐里樹兩槐

曰槐樹巷四傳至信六世沖為居第記 宣統吳縣志稿吳枚庵望鳳宅在

城南槐樹里名其室曰東齋自為記 姑蘇志槐幹似榆葉細而長花可染

郡中有槐樹巷因此名也又有盤結者名盤槐多種官署中 宣統吳縣志

稿按周禮面三槐三公位焉吳澄註云槐之言懷也懷來人於此也王安石

釋云槐黃中懷其美故三公位之春秋玄命苞云槐之言歸也古者樹槐聽

訟其下使情歸實也今官署中多植之本此

和令坊 吳郡志楊郡王府前 盧熊志槐樹巷楊和王府前按楊存中追

封和王謚武功或云因此名坊非也 姑蘇志和令坊槐樹巷唐末舊有

名紹興初楊存中居此追封和王亦先兆也 吳中舊事郡治之東有和

令坊今名槐樹巷或以為楊和王存其中所居而然非也按圖經在唐李

有此名紹興初楊始籍為園垂三十年楊方進封和國雖事偶合亦先兆

也

晉寧坊巷 盧熊志未著錄 姑蘇志草橋西南 今接近志訛井儀坊巷宣

統吳縣志稿退園在井儀坊巷吳農部嘉洽所居農部舊居通和里後移居

皮野里之朝元街再遷西麒麟巷三遷於西采蓮巷自京師歸遷此皆名其

宅曰儀宋自為之記咸豐庚申園燬嘉洽避亂海外回思故居作園記二首

見儀宋堂集中

蔣家橋 范盧二志均著錄 姑蘇志東蔣家橋竹堂寺西 馮志明雜造

局舊置於蔣家橋洪武六年移章家橋 按近志訛金鼓橋或訛鎗架橋
又按卷疑即盧熊志所稱蔣巷 按五代兩宋吳中蔣氏自蔣堂居侍
其巷外姑蘇志又載蔣詒恭吳人流落入蜀作詩諷刺蜀王以為敢言之
士特授名山令又善蒞事賜銀緋此外方志均未詳若漢蔣漸之居大篁
里則杳不可蹤蹟矣 又按蔣家橋題記殘字云都勸緣造石橋施主安
□□朱□楊晉邱□□都料吳□□云云與賢至橋所稱都料吳承祿者
疑出一人所造

提舉司 吳郡志提舉常平茶鹽司在子城之東廳事東有小池上有假山
旁曰壺中林壑未友仁書池南北有亭南曰揚清北曰艸堂廳事之西有
宸翰閣亦友仁書額廳東北曰宣惠堂廳後曰黃花堂廳之東側曰頤齋

齋後園中曰望雲堂紹興三十年楊王子侯持節時作為思親也池旁曰
日繡春堂淳熙十五年史彌正建徐康記 盧熊志嘉熙中趙崇暉重創
艸堂揭以繡春堂額池中鑑止亭乃史彌遠所作咸淳四年宋過再建後
堂十年權使事潛說友重創廳事前後益新視昔益宏麗矣 署址即舊鹽
香街也 宋史職官志提舉常平司掌常平義倉免役市易坊場河渡水
利之法視歲之豐歉而為之斂散以惠農民凡役錢產有厚薄則輸有多
寡及給吏祿亦視其執役之重輕難易以為之等商有滯貨則官為斂之
復售於民以平物價皆總其政令仍專舉刺官吏之事熙寧初元遣官提
舉河北陝西路常平未幾諸路悉置提舉官元祐初罷之併其職於提點
刑獄司紹聖初復置元符以後之 又提舉茶鹽司掌摘山煮海之利以

提據常平司公據右提舉常平司公據在
蘇州雙塔寺前提舉常平司五字後右今

出給公據付雙塔寺仰收執照

按石刻亦有變其稱

為執照者以此

寶慶元年六月

日給廿二字皆

大最後一行使字更大下有押而不署姓

蓋當時公牘之式如此

葉昌熾先生語石卷三第廿二頁

以佐國用皆皆有鈔法視其歲額之登損以詔賞罰凡給之不如期備之
如式與州縣之不加恤者皆劾以聞中興以後通置提舉常平茶鹽司掌
常平義倉免役之政令其後常平錢多取以贍軍所掌特義倉水利設法
振濟之事茶鹽司置官提舉本以給賞鈔引通商阜財時訪所部州縣巡
歷覺察禁止私販按劾不法其屬有幹辦官既與常平合一遂並行兩司
之事也

晉寧坊 吳郡志濠腹口紹定二年重立 盧熊志紹聖中知州賈青造樂
堂於此 攷本圖坊在今晉寧坊參樂營堂卷條

驅鬼橋巷 盧熊志作十郎巷 宣統吳縣志稿引乾隆吳縣志明丁參議
元復別業在十郎巷宋時為楊和王別墅地多閒曠絕類山居今改為元

和縣署 五都會元南峯雲辨禪師平江人一日入城輿道俗行至十郎
巷有問巷在這裏十郎在甚處師奮臂曰隨我來宣統吳縣志稿按十郎
巷十倉夫所居也張士誠事危十郎應募出城皆封以將軍賜金綺出閭
門運鐵頭槍浴血而前明師為之稍卻是十郎為元末人十郎巷之名因
此而著馮志列雲辨禪師於宋雖說見五燈會元似有誤俟攷今按流行
肯池劉氏景宋本五燈會元係寶祐刊本遠在元季以前則十郎巷之名
不自十倉夫始矣十倉夫儘可居住十郎巷而十郎巷之名則宋季以來
已有之況周五郎八娘子錢官人之一人名巷所在有之正不必為十人
也

驅鬼橋 范盧王三志均著錄 康熙志作多貴橋云在十郎巷東口

儒達巷 今洞橋濱 康熙志馬津橋東 乾隆元和元志今名洞橋濱 盧
能志未著錄見姑蘇志 文選卷二十八陸機吳趨行李善註引張勃吳
錄云八族陳相呂實公孫司馬徐傅也四姓朱張顧陸也文廷式補晉書
藝文志疑出張勃吳地記係不甚關孫氏事也下司馬巷公孫巷仿此所
謂儒達者蓋即晉以來所謂世族之以方幅相齒者耳

洞橋 范盧王三志均未著錄 康熙志南橋西側

司馬巷 今訛司長巷 盧王二志均著錄 康熙志馬津橋西 吳趨備
史司馬福始隸吳越王水軍為游弈都虞侯開平三年淮人圍蘇內外阻
絕王遣救兵至莫知城中音問福能潛行水中總師因遣入城淮人設網
擊銅鈴鐵鱗過之必覺福以巨竹觸網淮人聞鈴聲舉網福因得入既而

復出凡在水中三日及救兵與城中弓矢相應淮人以為神進官都指揮
使吳越王城吳江置鎮命福主之遂老於職按城中司馬巷疑即此人人
之後所居地

條橋 范盧王三志均著錄 康熙志俗名竹條橋馬津橋西 馮志孫

岳頌賜第在竹條橋北今名孫岳頌場康熙四十一年命織造李煦就

北新局址建御題其堂額曰墨雲臺 宣統吳縣志稿條竹即箭竹古

揚州有條蕩爾雅東南之美有會稽之竹箭吳地為會稽郡治郡之產
竹自古然矣又戴凱之竹譜箭竹高者不過一大節三尺堅勁中矢江
南諸山皆有之 寰宇訪碑錄竹條橋斷碑正書無年月上存下截砌
入城內

馬津橋 范盧王三志均著錄俗化訛馬宗橋康熙志南橋西

逍遙巷 本圖失繪 姑蘇志著錄 康熙志今甫橋洪 紅蘭逸乘西街

逍遙街高殿廢比丘尼居之秋日桂花頗盛游履紛紛中有古墳殘碣苔封不辨尼云宋蘇小妹埋香處案巷街同字見楚辭太康失國句註蘇小妹墓則以叱鄰定慧寺蘇亭而附會 改宣統吳縣志稿長山鄉光福里

十九都三圖有山窰依仁鄉仁義里對一圖有石灰窰對四圖有窰濱東十九都五十九圖有石灰港吳宮鄉寶座里上二十都十二圖有時家窰陳公鄉金樓里下二十五都十九圖有馮窰蘇臺鄉貞豐里南二十六都三十八圖有窰場北二十六都四十二圖有西窰邨尹山鄉堵城里北三十一都四圖有破窰濱東吳下鄉顏安里二十九都十六圖有居窰二十

二圖有居窰橋吳中世產石灰故窰基特多以居窰時家窰例之頗疑此此逍遙街當為蕭窰巷而墓則或為南朝蕭氏祖墓如九曲牆巷條所引志蕭氏閑貴堂後有雙節墓或不屬蕭氏而為更前之墓例如吳地記所載步騰墓去州治若干步之類均不可知

濠股巷 盧王三志均著錄

沙糕橋 范盧王三志均著錄 康熙志以下不載疑廢於明季兵亂

竹堂寺 盧熊志楊和令王存中府在和令坊後為正覺寺 清光緒中所刻馮桂芬等修同治府志云竹堂寺即正覺寺在淮張王府廢基初為宋楊存中別墅元陸志寧居之捨為大林庵明洪武初歸併萬壽寺遂廢宣德間重建賜今額寺多植美竹故俗稱竹堂寺唐宣宗畫羅漢象於壁 康

熙志作達摩象并書贊今寺地書象亦毀而贊猶存並於其旁建太陽宮
賢至橋 吳郡志作至橋 盧熊志在濠股上熙寧四年五月建 業橋下
宋元修建題刻猶存文曰大宋熙寧四年辛亥七月望日清河張安養眾
緣建造都料吳承祿大元至正二年二月吉日社長吳讓募緣重建都料
吳文興造

閻橋巷 盧王二志均著錄 俗呼東巷曰紅衣子巷西巷曰梗子巷 按
紅衣子巷之名未必俗盧熊志著錄范虹蜺巷於龐耆巷後于將巷前紅
衣子疑即虹蜺子或兩書均訛而為弘毅子之類梗子巷或為耿子或贅
子之類無徵不信不敢妄言然其為人之別號則可斷言也

閻橋 吳地記圖經續記范盧王三志均著錄 姑蘇志延祐己卯夏重

建 吳郡金石目閻橋題字曰開禧元年三月重修 盧熊志林家院
子張家院子並存閻橋 又氏族門閻氏姬姓武王封泰伯曾孫仲奕
於閻鄉因以為氏又云王少子生而有文在手曰閻康王封於閻城今
蘇州有閻橋 唐書閻濟美為浙西觀察使治民簡易居鎮未嘗增常
賦歐集閻象知蘇州柔以善政恩涵澤濡民以蘇息政成召還此閻氏
未悉何人之後

子城後巷 盧熊志閻橋附近著錄庵巷疑即此 吳中雜誌紫竹庵在閻
橋南子城後橋巷口則子城後巷一作子城後橋巷

子城後巷 吳地記著錄 吳郡志以下失載 盧熊志引圖經有城西
門橋本圖未載疑即金母橋之重出

大橋 吳郡志盧熊志均著錄 姑蘇志州橋邊 方志未著錄明以前

尤姓

巡轄司 盧熊志宋咸平二年興復唐制而天下郡邑之吏皆得職田以供祭祀慶曆定制數亦如之自知府而下至縣官兵官共有差巡轄司五十二石七斗四升 宋史職官志職田門慶曆中詔限職田有司始申定其數巡轄馬遞鋪監堰并縣鎮石監當並視本縣簿尉紹興間懼其不均則詔諸路提刑司依法標撥仍先自簿尉始若其頃數多寡具有成式巡檢滿萬戶縣簿尉巡轄馬遞鋪等三頃滿五千戶縣簿尉巡轄馬遞鋪等二頃五千戶縣簿尉巡轄馬遞鋪等二頃又巡檢司下江河淮海置捉賊巡檢及巡馬遞鋪巡河巡捉私茶鹽等

各視其名以修舉職業皆掌巡邏幾察之事

州橋 祥符圖經吳地記范盧王三志均著錄 康熙志條橋西 舊志

滕公祠在文一圖州橋祀宋龍圖閣學士章敏公滕甫等 吳門表隱

賜鐵券老人張貢英明太祖舊都交最篤及即位屢召固辭賜第吳中

州橋北 州係姓氏姓氏為出周官州人余意州本古皂字樂卻胥原

狐續慶伯之後全國方志僅吳中方志村鎮門得東皂夾西皂夾一族

餘則數典忘祖悉改去矣吳廿一都十三圖有州家場見宣統吳縣志

稿元季望齊門內棧橋旁有北州場均可證要之不及輿臺奴隸諸氏

之古道照人矣

慶善橋 吳郡志以下均不載

天王堂 吳郡志天王堂在子城西北隅雖一小廟蓋大屋也建炎狄難
盈城宮室悉為煨燼而此堂巋然獨存郡人至今敬之 康熙志天王
寺在城東南隅唐大曆元年僧不空建註即天王堂 紅蘭逸乘府治
有東西兩天王寺唐大曆三年托塔李天王白晝現形其地居民共募
造寺中有熾盛光王佛毘盧觀音象其二十八宿猶是唐朝夾紵舊物
石韋陀象尤古元朱德潤存復齋集重建天王堂疏天王堂居子城西
北六百餘年 都公譚纂西天王堂土地象即元總管劉允也閻俊云
絕肖明太祖吳門表隱東天王堂內有熾盛光王佛觀音二十八宿月
字星君各象皆唐夾紵舊蹟石韋陀象尤古所言與紅蘭軼乘微有異
同蓋軼乘於二十八宿上多著一其字則似熾盛光王與毘盧觀音非

唐蹟且脫毘盧二字 任二北教坊記箋訂稿本毘沙子羯鼓錄作毘
沙門列為大食曲又有四天王列諸佛曲調內毘沙為護法天神一稱
沙門毘天唐代祀之以天王堂高祖時隱太子建成小字毘沙門其名為
俗所尚可知吳曾能改齋漫錄二及龐元英談數 說郛本引僧史謂天
寶初毘沙門天王第二曾救安西之番亂因勅州府塑天王形象後并
流入軍營近人王遜有定南北方天王石刻記見文史雜誌三卷三期
改之甚詳 一切經音義毘徧也沙門聞也謂諸處彼聞也清蒙古茄吹
樂章中有四天王吟之詞與譜參看上文歸國遙條七三 歸國遙清茄
吹樂章中尚有其辭與曲見律呂正義後四七其辭由家文譯為四言
四句兩章 此項樂章尚有踏搖娘長命詞賀聖朝四天王吟迴波詞婆

積善坊 吳郡志府治西

吳會坊 吳郡志府治東 祥符圖經古坊著錄吳地記無 吳中舊事府

署之南名吳會坊按後漢蔡邕傳亡命江海遠蹟吳會註引會稽高遷亭竹椽為笛事又諸葛亮說荊州形勢曰東連吳會王羲之為會稽內史時朝廷賦役繁重吳會尤甚石崇論伐吳之功曰吳會僭逆指言孫氏則吳會當是吳郡與會稽猶言吳越也蓋不獨謂姑蘇今坊名吳會未知何據而然前漢吳王濞傳上患吳會輕悍即吳郡會稽也

城隍廟 吳郡志春申君廟在子城內西南即城隍神廟也 盧熊志云今長洲縣西北二百步舊城隍神祠也唐天寶十載採訪使趙居貞修廟立碑碑陰有梁貞明五年刺史錢傳璠重修題名存焉神自宋始封忠安

王嘉泰三年張巖以祈晴有應奏請四年正月勅書封忠安順應王嘉定九年十年旱蝗相繼祈禳有感因沈皞之請八月加威顯二字以十一年春正勅書至郡官僚合伎樂自驛亭奉迎入廟是日之旦有慶雲或丹或黃華采繁麗狀如龍鱗鳳羽紛郁輪囷凝結逾時邦人咸覩以為嘉祥寶祐三年八月初書加封英濟遂為忠安順應威顯英濟王 姑蘇志祀楚黃歇也唐天寶十載郡守趙居貞重修自唐以來祀為城隍神今廢惟東城土社神猶稱春申君云

平江軍府署 吳地記平江軍太平興國二年錢氏改號 盧熊志昔府治按越絕書云今太守舍者春申君所造後殿屋以為桃夏宮今宮者春申君之子假君殿也越絕書今宮前殿屋蓋地東西十七丈五尺南北十五

丈七尺堂高四丈七尺雷高丈八尺殿屋蓋地東西十五丈南北十丈二尺七寸戶雷高丈二尺庫東鄉屋南北四十丈八尺上下戶各二南鄉屋東西六十四丈四尺上戶四下戶三西鄉屋南北四十二丈九尺上戶二下戶二凡二百四十九丈一尺檐高五丈二尺雷高二丈九尺周一里二百四十一步春申君所造越絕書又云東宮周一里二百七十步西宮在長秋周一里二十六步秦始皇帝十一年守宮者照燕失火燒之太守府大殿者秦始皇刻石所起至更始元年太守許時燒六年十二月己卯鑿官池東西十五丈七尺南北三十丈又傳吳宮至秦猶存守宮史以火視燕窟遂火馬道蹟雖無存者其地則未聞或改也漢朱買臣載其故妻到太守舍置園中給食之即此地也蓋古之諸侯有三門外曰皋門中曰應

門內曰路門因其門以為三朝朝之後有三寢曰正寢一曰燕寢二曰罷侯置守名殊制損然猶存其概今之子城門古之皋門也戟門古之應門也便廳門古之路門也大廳古之外朝也宅堂古之路寢也蘇為東南大州地望優重自唐乾寧元年刺史成及建大廳宋初為節度使治所嘉祐間王公君王新作是廳選材鳩工闕敬甲諸郡陳祠部天常作子城門樓觀其偉而大廳之前戟門之後廊廡卑陋不稱且甲仗架閣二庫卑濕蒸潤我器簿籍或材弊文朽不可用又高麗人來朝過郡郡有燕勞則隘不能容其從者皆坐於廊廡元豐六年太守章公謀於轉運使得羨錢二百萬文又以公助之於是易以修廊廡以重屋二樓對立樓各八楹木章使必精陶埴必良更無容姦工各獻巧費省而功速明年春落成又修戟門

薦之高於舊三尺由是自臺門至於府廷棟宇相副輪奐不陋不奢
無以加也先是張刑部太初作山陰堂蔣密直治後諸亭及瞰野亭見山
閣呂光祿建樓武堂蔡祕閣于直置射臺裴校理如晦立飛雲閣韓度支
子文植怪石二於便廳後榜曰介軒及晏大夫處善葺故亭於城之西北
隅號日月臺皆所以資游覽也吳之黃堂聞於郡國自唐以來又多勝概
建奕兵火靡有孑遺紹興初上將駐蹕平江先命漕臣於平江府治營造
宮室合用之物並從和買不許科擾於民又命按視簿籍三年行宮成四
年移幸七年三月詔賜守臣復為府治承平時每歲春首修飾諸亭縱民
游翫以示同樂之意 姑蘇志元初江南置浙西軍民宣撫司後改為平
江路總管府官皆居外宅聽訟決遣則完會治所至正末張氏據此為太

太尉府及敗縱焚之惟存子城南門耳門今稱鼓樓上置十二辰牌按時
易之 馮志明養濟院二一在侍其巷一在長洲縣舊府治基鼓樓西北
宋史職官志紹興駐蹕臨安遂正稱安撫使置知府一員通判二員簽
書節度判官廳公事節度推官觀察推官觀察判官錄事參軍左司理參
軍右司理參軍司戶參軍司法參軍各一員本府籍其戶口均其賦役頒
其禁令城外內分南北左右廂各置廂官以聽民之訟訴廂官許奏辟京
京朝官親民資序人充後以臣僚言罷城內兩廂官惟城外置馬案高宗
宗嘗駐蹕平江故平江官制幾與臨安府埒若次府官制則通判僅一人
而已 又諸府置知府事一人州軍監亦如之掌總理郡政宣布條教導
民以善而糾其奸慝歲時勤課農桑旌別孝悌其賦役錢獄訟之事兵民

政皆總焉凡法令條制悉意奉行以率所屬有赦宥以時宣讀而班告於
治境舉行祀典察郡吏德義材能而保任之若罷斬不任事或姦貪冒法
則按劾以聞遇水旱以法振濟安集流亡無使失所

設廳 吳郡志設廳皇祐中李晉公以兵部員外郎守郡嘗修大廳蔣堂為
記叙廳之所始甚詳今題名逸李姓名晉卿是其字也後嘉祐中王琪以
知制誥守郡始大修設廳規模宏壯假省庫錢數千緡廳既成漕司不肯
除破時方貴杜集人間苦無金書琪家藏本篋校素精即俾公使庫鏤板
印萬本每部為直千錢士人爭買之富室或置十許部既償省庫羨館以
給公廚兵火之後紹興三年郡守宋伯友更建令廳高宗皇帝巡幸嘗以
為正衙制度差雄 盧熊志設廳即黃堂也唐乾寧元年刺史成及建大

廳皇祐五年李仲雍修之嘉祐中王琪新作是廳規制宏壯紹熙元年袁
說友紹定五年鄒應博皆重修之相傳設廳舊為燕犒將吏之所謂之旬
設故公廚亦曰設廚後廳寶祐四年重建

小堂 宅堂

東齋 吳郡志思政堂舊名東齋紹興三十年郡守朱翌建隆興間郡守沈
度更名復齋紹熙三年郡守沈揆更今名自書扁榜 盧熊志新志云州
堂即舊東齋高宗駐蹕時燕射於此紹興末朱翌新此為天臨堂未幾去
任故堂不果名自為記文亦弗暇刻後守乃名復齋

西齋 吳郡志雙瑞堂舊名西齋紹興十四年郡守王喚建前有花石小圃
便坐之佳處紹熙元年長洲有瑞麥四歧及後池出雙蓮郡守袁說友耳

西齋以雙瑞名堂以識嘉祥 盧熊志嘉定十三年又改思政堂至寶祐
作新堂於其地因併廢焉 姑蘇志王暎字顯道華陽人太師岐國公珪
珪之孫也為秦檜妻之兄 或云妻弟紹興中和郡事時兵火之餘公署學
校靡不興葺又錄入城小舟出必載瓦礫以培塘人以為便石之碎者積
而焚之以泥官舍不賦於民而用有餘其規為多可取者然峻於聚斂用
刑尤酷嘗於黃堂前鎔錢製大士像而人不敢言每刺鹿血入熱酒飲之
疽發背死

生雲軒 盧熊志知樂亭即舊生雲軒也在古池光亭東池旁端平中張嗣
古改郡人周虎書額淳祐初廢

坐嘯齋 吳郡志坐嘯齋在四照亭南紹興二十七年郡守蔣璩建並書額

秀野亭 吳郡志秀野亭在坐嘯齋西紹興三十一年郡守洪遵書

四照亭 吳郡志四照亭在郡圃之東北紹興十四年郡守王暎為屋四合
各植花石隨歲時之宜春海棠夏湖石秋芙蓉冬梅 盧熊志慶元四年

趙不韜會客其中因問亭名所自席間有新銅陵主簿閩人姚行簡對曰
山海經云招搖之上其花四照及華嚴經云無量寶樹普莊嚴華嚴成輪
光四照又云光雲四照常圓滿今亭四面見花故以此為名耳趙令人閱
視信然遂大稱賞贈遺甚厚見負暄野錄紹定中亭廢

齊雲樓 吳郡志在郡治後子城上紹興十四年郡守王暎重建兩挾循城
為屋數間有二小樓翼之輪奐雄特不惟甲於二浙雖蜀之西樓鄂之南
樓岳陽樓庾樓皆在下風父老謂兵火之後官寺艸創惟此樓勝承平時

樓前同時建文武二亭淳熙十二年郡守邱憲又於文武亭前建二井亭

盧廬能志齊雲樓在郡治後子城上相傳即古月華樓也吳地記云曹

恭王所造白公詩亦云改號齊雲樓蓋取西北有高樓上與浮雲齊之義
據此則自樂天始也故其詩云欲辭南國去再上北城看治平中裴煜建
為飛雲閣政和五年秋重作齊雲樓成紹興十四年王暎重建兩挾嘉定
六年陳希十六年沈暉嘉熙二年史宅之並重修有記 吳夢窗詞申稿
有齊天樂齊雲樓詞朱氏祖謀刊本跋為史宅之重修時作亦見朱氏所
氏所撰夢窗詞小笺中

逍遙閣

吳郡志逍遙閣在舊凝香堂後蓋取韋應物逍遙池閣涼之句此
閣舊觀復堂也逍遙額郡守蔣琛書後守韓彥古欲更名乃除去舊額而

迄不果更名 盧能志嘉定六年廢

瞻儀堂

吳郡志舊在廳事之東紹興三十一年郡守洪遵建吳俗貴重太
守來者必繪其象春秋則陳於齊雲樓之兩挾令吏民瞻禮至是洪公恐
為風日所侵故作此堂藏之紹熙三年郡守沈揆始遷諸象於後園舊疑
香堂中并其名遷馬范成大記 盧能志慶元二年鄭若容圖於壁間而
以舊象度之閣上樓鑰為記嘉定六年陳希併撤堂後逍遙廢閣廣而新
之陳振為記寶祐五年趙篤重建視昔有加端平三年四月張嗣古奉安
安韋應物王仲舒白居易劉禹錫范仲淹五賢象於此清波雜誌云王顯
道守吳遣騎之常州寫真於孫仲益併復齊雲樓舊觀孫謝之云嘗讀國
史錢惟演作樞密直學士題名記黜寇來公為逆準不書時祭齊斥其妄

如觀無狀乃肯收之按魏曹休祖父嘗為吳郡太守休後見壁上祖父畫象乃下榻涕泣則繪事益後世已然矣

觀德堂 吳郡志在教場唐西園地也紹興二十一年郡守徐琛建西又有射亭 盧熊志引新志云觀德亭在西教場紹定二年李壽朋拓教場隙地移建此亭於南舊木蘭堂基之西後更名閱武

教場 吳郡志西園在郡圃之西隙地直于城甚袤唐謂之西園今以作教場 盧熊志引新志云木蘭堂在西園凌風臺後池南即其故基寶慶間猶存紹定二年闢教場始鋤治之

木蘭堂 吳郡志木蘭堂在郡治後巒齊錄云唐張搏自湖湖刺史移蘇州於堂前大植木蘭花當盛開時燕郡中詩客即席賦之陸龜蒙後至張聯

酌浮之龜蒙經醉彊執筆題兩句云洞庭波浪渺無津日日征帆送遠人頽然醉倒傳命他客續之皆莫詳其意既而龜蒙稍醒援筆卒其章曰幾席木蘭船上望不知元是此花身遂為一時絕唱按舊堂基在今觀德堂後古木猶森然列郡守數有欲興廢者而卒未就承平時堂近有治平二年郡守陳經所刻御書飛白字碑揭於木蘭堂之新閣上今不復存 盧熊志木蘭堂又名木蘭院白刺史有寄題木蘭西院詩今以州宅後堂名之蓋紹熙中修故事所揭范成大書額

平易堂 吳郡志在小廳東挾紹興間郡志蔣璠立自書扁榜淳熙五年郡守單慶易以隸書 盧熊志後改熙熙又改葵軒

西樓 吳郡志西樓在子城西門之上唐舊名西樓後更為觀風樓今復舊

紹興十五年郡守王暎重建二十年郡守徐琛篆額下臨市樓曰金母橋亦取西向之義暎初落成郡人競獻詩以進士耿元鼎所賦為最 盧熊志後以市醞久弊淳祐中魏峻始大修之取白公詩表其下白柳橋槐市且自賦詩後守恐其復廢錢椿漆倅廳以俟異日修葺之助及黃萬石石改作如臨安豐樂之制繪事一新邦人為之改觀 姑蘇志圖經續記云元微之寄白樂天詩云弄潮船更曾觀否望市樓還有會無註云望市樓蘇之勝地今觀風樓為近中殆即此耶

作院 吳郡志作院在教場西乾道四年郡守姚憲建 宋史志十一器甲之制其工署則有南北作坊院有弓弩院諸州皆有作坊皆役工徒而限其常課南北作院歲造塗金脊鐵甲等凡參萬二千弓弩院歲造角犯弓

等凡千六百五十餘萬諸州歲造黃樺黑漆弓弩等凡六百二十餘萬又南北作坊及諸州別造兵馬甲袋褙衫等什物以備軍行之用

公使庫 公使酒庫 吳郡志公使庫公使酒庫並在設廳東 盧熊志公使庫諸道監司州軍皆有之取民以佐廚傳之費然正賜錢不多而著民許收遺利故州郡得以自取江浙諸郡酒歲道中都官凡五六至至必數千瓶淳熙中尚書王仲行守郡與祠官范至能胡長文厚一飲之費卒至數千緡又有公使醋錢諸郡立額自取於屬縣縣斂於民以輸之小邑一歲不下數千緡人尤以為怨

軍資庫 吳郡志軍資庫在儀門東 盧熊志軍資庫在大廳東南續志云在儀門東紹定五年鄧應博重建先是紹興中詔錄事參軍專監通判提

舉簿書並同簽

府院 吳郡志府院在譙樓東 盧熊志府院在子城內東南隅聽事西有
簡字堂紹興十一年錄事參軍吳希所作陳之茂記乾道五年吳公自太
平移守南昌被旨入對過吳訪舊題詩於壁錄參王康彥入石重刻前記
為此廳盛事紹熙元年趙景度刻石題名希諡康熙公祥符圖經云州院
在州衙內東偏 宋史職官志諸曹官舊制錄事參軍掌州院庶務糾諸

曹稽違

四酒務 吳郡志在平橋南初郡有酒務四合而為一故名曰四酒務 盧
盧熊志四酒在夏侯橋南 酒務在子城南一百二十步見祥符圖經案今
四酒務巷正在平橋南疑當時即有此名 盧熊志引祥符圖經香藥橋

作者藥司在羅城內菱草場一作菱草局在子城南三里南一本作西按
本圖均未見 又引圖經續記云酒務損敝司練孫公奏給省金四萬緡
親之晏公章相繼趣成 宋史食貨志下七酒類政二年淮南發運公副
副使董正封言杭州都酒務甲於諸路治平前歲課三十萬緡今不過二
十萬請令分務為三更置比較務務毋增官吏兵匠仍請本路諸郡并增
務比較從之四年兩浙較運司亦請置務比較定課額釀酒收息以增虧
為賞罰詔酒務官二員者分兩務三員者復增其一員雖多毋得過四務
內有官雖多而課息不廣者聽如舊 按酒務之稱至金元而畧變徵稅
者之名義亦有時加之彼徵稅者故稱酒肆為酒務金元戲曲方言攷酒
務兒酒館也謝天香劇他两个到了一角小酒務兒裏餞別友闌記十里

鋪上開著箇酒務兒

醫院 廬能志安養院在鈐廳後舊曰醫院提舉林介建改今今名寶慶二年八月陳耆卿為記 吳郡金石目安養院記寶慶二年八月天台陳耆卿記正書即刻於紹興酬唱詩之陰

路鈐衙 吳郡志在子城內府西樓下東偏 宋史職官志總管鈐轄司掌總治軍旅屯戍營房守禦之政令凡將兵隸屬官訓練教閱賞罰之事皆掌之守臣帶提舉兵馬巡檢都監及提轄兵甲者掌統治軍旅訓練教閱以督捕盜賊而肅清治境凡諸營各籍賞罰之事皆掌之大觀三年詔東南帥府總管依三路都總管法靖康元年詔四道副總管並通差文武臣其諸路將官掌統所隸禁旅副將為之貳若屯戍守邊則受帥府節制

路分廳 吳郡志在路鈐衙南 宋史職官志路分都監掌本路禁旅屯戍邊防訓練之政令以肅清所部州府以下都監皆掌其本城屯置兵甲訓練差使之事資淺者為監押紹聖三年詔諸路將副存位在路分監之下大觀三年詔帥府無路分鈐轄望路無分都監者許置一人其餘添置處任滿不差人建炎初分置帥府以諸路帥臣兼要郡守臣帶兵馬鈐轄次要郡帶兵馬都監並以武臣為之副稱副總官副鈐轄副都監許以便宜行軍馬事遇朝廷起兵則副總管為帥副鈐轄都監各以兵從聽其節制紹興二年詔要郡次要郡守臣罷帶兵職其逐路副總管依舊格改元路分都監為一路掌兵之官其各州鈐轄或者或置不一又有逐路兵馬都監兵馬監押掌煙火公事提捕盜賊

此項官其職與禁旅無涉又一小員或自或隸於州各其是之兵事也

簽判廳 吳郡志簽判廳在儀門西 盧熊志舊名都廳宣和間以懷安軍
奏今尚書省公相廳名都廳已將本軍都廳以簽廳為名遂詔諸路倣此
淳熙十三年重建廳西有勤繼堂木待問命范成大書額石如堦撰記及
及有前後題名三記 宋史職官志簽書判官廳公事掌裨贊郡政總理
諸安文移斟酌可否以白於其長而罷行之凡員數多寡視郡小大及職
務之繁簡初政和改簽書判官廳公事為司錄建炎初復舊凡節度推判
官從軍額察推及支使從州府名凡諸州減罷通判處則升判官為簽判
以兼之凡要郡簽判及推官皆堂除餘吏部闕之廣間許監司辟差
府判東廳 西施洞吳郡志通判東廳在郡治之西紹興九年通判白彥惇
建介庵舊在郡圃後入通判廳今庵亦廢廳西有琵琶泉小邱敬巖曰西

施洞皆傳為往蹟泉清冽可釀酒淳熙十一年通判魏仲恭葺洞門作捧
心亭今更名無雪 盧熊志成淳五年葉隆禮重修正堂曰敬簡又有風
堂蔡壇復於廳事西新作光風霽月堂郡人王桎書額 宋史職官志宋
初懲五季之弊乾德初置諸州通判建隆四年詔知府公事並須長史通
判簽議連書方許行下時大郡置二員餘置一員州不及萬戶不置武臣
知州小郡亦特置焉南渡後設官如舊入則裁政出則按縣有軍旅之事
則專任錢糧之責既而諸州通判有兩員處減一員凡軍監之小者不置
又詔更不添差其後或以廢事請或以控扼出處請五年以後漸添置之
除潭廣洪州鎮江建康成都府見係兩員外凡帥府判官並以兩員為額
餘置一員

府判西廳 吳郡志通判西廳在城隍廟後依子城東南角城上有小樓見
西山名湧翠 盧熊志通判西廳在城隍廟後依子城西南隅淳熙十六
施邁始立石題名嘉熙初翁逢龍重修知府王遂為記逢龍又有足清堂
種書堂詩景定五年趙與鑑續題名記淳祐三年謝堂作屏星堂吳遂撰
為記城上有湧翠樓取西山為名

節推廳 吳郡志節推廳在通判東廳之西 盧熊志節度推官廳嘉定三
年重建廳事西有小軒舊扁曰省文書改名冰壺 文獻通攷宋朝沿五
代之制兩使置判官推官各一人

察推廳 吳郡志察推廳在平橋南 盧熊志觀察推官廳祥符圖經云在
州衙門內西偏後迤子城南隅紹熙間於平橋南舊酒庫改為之嘉泰三

年呂伯闇重修有記紹定二年呂祖志撰題名記

司理院 吳郡志司理院在譙樓西 盧熊志司理院在子城內西南隅紹

熙元年李直方刻石題名齊慶三年提刑林介司理章異亨建廳後正堂
曰清安軒曰盡欽廳東舊有軒曰甘竹改名務平按李莊簡公奏疏云朱
勳辰南宅以奪司理院則非舊處明矣或謂今院乃政和所遷雖與李疏
合但今獄庭有塔浮屠中乃葛繁所記作熙寧己酉歲二年似與前說不
同祥符圖經今移在子城外西南隅 文獻通攷五代以來諸州皆有馬
步獄以牙校充馬步都虞候掌刑法謂之馬步院宋太祖慮其任私高下
其手開寶六年始置諸州司寇參軍後改為司理掌獄訟勘鞠之事不兼
他職

司法廳 吳郡志在平橋南 盧熊志舊在子城內後以平橋南舊醋庫為之紹定二年趙汝渠重建并書額廳事之後有便坐東曰雲舍取狀梁云白雲青舍之意西曰賦梅用何法曹故也劉平國撰記 宋史職官志司法參軍掌議法斷刑 文獻通攷紹興二年權行減罷後復舊

提刑司 吳郡志提點刑獄司在烏鵲橋西北紹興元年建廳事後曰明清堂堂後小圃種竹有亭曰留客曾逮創建逮父之清公幾命名且作詩徐歲隸額乾道九年諸路添置武提刑一員遂於舊司之東撤去幹官解宇以其地作東廳比年有罷使者來從其便而居焉 盧熊志浙西提刑使司在烏鵲橋西北建炎四年置 宋史職官志提點刑獄公事掌察所部之獄訟而平其曲直所至審問囚徒詳覆案牘凡禁繫淹延而不決盜竊

逋竄而不獲皆劾以聞及舉刺官吏之事熙寧六年置諸路提刑司檢法官紹興初兩浙路以疆封闊遠差提刑二員乾道六年詔諸路分置武臣提刑一員須選差公廉曉盟法令民事之人如無聽闕其後稍橫遂不復除八年用臣僚言諸路經總制錢委提點刑獄官督責

檢法廳 吳郡志檢法官廳在提刑司東 盧熊志檢法官廳在本司前紹定五年重建廳東便坐曰毋不敬池有堂曰肖野乃齊祐中新作淳祐二年陳侂八年趙希觀并有題名記 宋史職官志熙寧六年置諸路提刑

司檢法官

鈐轄廳 吳郡志州鈐廳在狀元坊內 宋史職官志崇寧四年置輔郡屏衛京師以大中大夫以上知州置副總管鈐轄各一員知州為都總管按

平江為南渡後陪都故其制與北都四輔同 又都副鈐轄州鈐轄州條
宋初以朝官及諸司使以上充或一州或一路或兩路三路亦有無都字
者嘉祐詔內臣為鈐轄都監者逐路置一員祖宗時不常置成都大府
帥臣第帶兵馬鈐轄而兩武臣之為鈐轄者與鈞禮建炎三年詔更郡守
臣兼兵鈐轄改為路分都監而帥府如故自從益瀘夔廣桂五州皆以都
鈐為稱而江西贛州以多盜其守臣亦帶江西兵馬鈐轄至於武臣為路
鈐者亦無尺籍紅符然每歲猶往諸州按閱特存故事而已間有得旨革
治軍器或訓練禁軍則仍帶入衛二十八年鎮江府守楊揆言舊政法一
路則有路分鈐轄一州則有州鈐轄如常秀平江皆有之獨鎮江闕欲添
置州鈐轄從之淳熙間詔諸路訓練路鈐並要年六十以下曾經從軍有

才武人充詔中詔雜流出身不得注路分州鈐都監專注才武及曾任主
主兵官之人

惠民局 盧熊志太平惠民藥局在醋庫巷慶元元年建

使馬院 盧熊志兵馬都監解舍在州衙東偏按本圖已移西偏

南省馬院 盧熊志兵馬都監解舍在州衙西偏有二所見祥符圖經

北省馬院 見前 以上三條參卷四兵馬使橋及附錄兵馬都監解舍兵

馬監解舍諸條

監酒廳 吳地記都酒務在子城南二十步 按吳地記係據祥符圖經

錄北宋制也盧熊志田賦門職田下有監贍軍酒庫一職疑即此 宋史

職官志監管官掌茶鹽酒稅場務征輸及次鑄之事諸州軍隨事置官其

征權提務歲有定額歲終課其額之登耗以為舉刺凡課利所入日具數以申於州

宣詔亭 頌春亭 吳郡志二亭紹興十四年郡守王喚建知信州吳說書額

土地廟

柴巷 盧王二志均著錄 姑蘇志子城下附越絕書云小城門三皆有樓其二增水門其一增柴路今呼為柴巷

府前直街 未見著錄

哀繡坊巷 盧王二志均著錄

哀繡坊 吳郡志烏鵲橋北以參知政事元絳所居得名 盧熊志續記

云太子少保元絳宅在帶城橋東公嘗參大政引年歸老是邦知州章祐祐因以命名 吳郡志元絳字厚之居帶城橋天聖五年進士屢典大藩以文章政譽名一時神宗欲選翰苑之才王荆公曰有真翰林學士恐不能用爾遂自外召入翰林本參知政事事詳在國史後以太子少保少保致仕還吳中與程公闢諸公為九老會鄉人號其居曰哀繡坊卒年七十餘有玉堂集三十卷 宣統吳縣志稿自孝先生朱祖文宅在

哀繡坊

船場橋 范志著錄 盧熊志張林濱 按盧王二志均著張泥金渠巷疑即此泥金切吟字音與林為五音韻

醋庫巷 按本圖醋庫在富仁巷中攷盧熊志司法廳以平橋橋南舊醋庫

為之是知醋庫巷乃舊醋庫也 宣統吳縣志稿云攷吳郡姑蘇二志官
字署門著錄倉庫特詳有牌籍油榨炭牛皮軍資甲仗公使公使酒架閣
閣激賞武備造酒醋酒竹青等十四庫獨不載醋庫平江圖碑刻於南宋
庫列入富仁坊巷北則南倉橋西南必為北宋時之舊醋庫矣

盧熊志成齋在醋庫巷郡人黃雲為鄉先生授弟子經時所名也寧宗在
嘉邸大書以賜其子由俾以授雲字景祥時為淮西總所酒官淳熙八年
年由魁天下郡守遂立狀元坊 宣統吳縣志稿庸齋在醋庫巷歸安楊
峴寓居 吳門表隱乘鯉橋井闌石刻文有長洲縣上元鄉醋庫巷面南
居住守吉州助教駱鎬淳祐戊辰三月開井字按吳郡金石目駱鎬作郭
鎬醋庫巷作醋芳巷均誤 宋史食貨志七下酒類崇寧二年知連水軍

錢景允言建立學舍請以承買醋坊錢給用詔常平司計無害公費如所
請仍令他路準行之初元祐臣僚請罷榷醋戶謂本無禁文後翟思部請
以諸郡醋坊日息用餘悉歸常平至是景允有請故今常平計之大觀四
年又詔諸郡別遣倉官膏醋毋得越郡城五里外凡縣鎮邨並禁其
歸轉運司舊屬常平者如故 按據此則醋庫以儲醋醋坊以賣醋今醋
坊橋則當年賣醋地也

狀元坊 吳郡志醋庫巷黃由所居淳熙八年黃由魁天下 郡守韓彥
質以表其闕

醫院前 未見著錄 今西瓦井巷

公孫巷 姑蘇志烏鵲橋東北 康熙志平橋南 方志藝術有春秋公孫

聖 孫達妻卻恐均非其人 文選陸機吳趨行註引張勃吳

錄以公孫為吳中八族之一張澍姓氏尋源周制五等諸侯後乃有公孫
姓軒轅黃帝長於姬水以姬為姓所謂黃帝以姬水成也而黃帝傳云帝
姓公孫不知古史何據而路史云神農之同母弟勗其嗣少典國君世為
諸侯後以公孫為姓九傳至啟昆北遷於熊妻附寶產子於軒轅之丘號
曰軒轅名伯荼姓公孫又云初姓公孫後改姬是公孫之姓尚矣廣韻云
黃帝之後無聞春秋時國君之孫皆謂之公孫今按吳已僭王號故有王
孫雄諸人公孫聖輩均未著此卷殆亦流寓者所居耶

永安橋 今西小橋 吳郡志小埭橋在倉司前 盧熊志小埭橋慶元
中改作名永安橋 姑蘇志小埭橋一名永安橋在倉前 乾隆元

和縣志訛作永定橋 宣統吳縣志稿汪鳴鑿七歲通小篆在翰林時
即以氣節自勵好士出於天性光緒己未以奏事被謫歸卜居吳門西
小橋優游者十年

倉術巷 盧熊志南倉在子城西久廢但存倉術巷云按姑蘇志倉場門
作倉巷

瓦井巷 今東瓦井巷 未見著錄